

平  
播  
全  
書

平播全書卷五

明長垣李化龍

奏議

敘功疏

題爲天威遠震逆寇蕩平遵旨覈敘八路從征文武官員  
功罪以明賞罰以資安攘事據四川布按二司分守川東  
帶管川東監軍道按察使張悌川南監軍道左參政謝詔  
會呈卷查萬曆二十八年正月初二日奉總督李侍郎憲  
牌照得播賊楊應龍惡逆滿盈自犯無將之戮人神共憤  
應興問罪之師及查三省進兵之路有八而蜀居其四川

東綦南二路監以參政張棟而綦江路則以原任總兵今  
充爲事官劉綬爲主將以都司周敦吉趙賢輔守備周以  
德陳大綱徐珊李爲瑚坐營王芬等隸之兵巡上川東道  
參政張文耀督餉紀功敘州府同知史朝貞贊理監紀夔  
州府通判尹紹皋合州知州段文郁長壽縣知縣郭維屏  
大甯縣知縣何躍龍儀隴縣知縣袁煥隨營收支南川路  
則以聽用總兵馬孔英爲主將以管副總兵事參將周國  
柱遊擊李經余世威羅星王之翰都司哈光顯守備萬民  
英坐營孔繼祖宣撫冉御龍馬千乘土官楊光祖等隸之  
兵巡下川東道僉事徐仲佳督餉紀功重慶府推官高折

枝贊理監紀重慶府同知王陞烏蒙府通判劉之淵蓬州  
知州毛秉光巫山縣知縣陳應式隨營收支川南永合二  
路監以參政謝詔而合江路則以總兵吳廣爲主將以遊  
擊封建司懋官都司趙應科吳從周等隸之兵巡下川南  
道參議劉一相督餉紀功馬湖府知府蔡宗憲贊理監紀  
敘州府同知李廷謙保甯府同知張鼐湖廣歸州知州孫  
鶴年新繁縣知縣魏光祚榮縣知縣樂繼同南溪縣知縣  
寇克順隨營收支永甯路以原任副總兵曹希彬爲主將  
仍聽吳廣節制而以參將吳文傑守備江萬化周大謨永  
甯宣撫司土官奢世續等隸之敘馬瀘兵備道副使史旌

賢督餉紀功嘉定州同知趙世德贊理監紀順慶府同知馬性和原任資陽縣知縣詹淑內江縣知縣楊應登資縣知縣葉世孝隨營收支仰道卽便會同該路總兵的於二月十二日開刀剿殺直抵播州等因已經移行四路文武等官各照分定道路整擄兵馬依期進剿去後又該總督李侍郎看得餉務至重一切監收兼支督夫護運更須多官又添委重慶府同知梅燮管綦江縣事同知周作樂通判蕭時鳴等佐餉務管巴縣事合州知州葉聯芳江津縣知縣陳大經等領佐貳等官督運夫參將麻鎮遊擊楊敏政都司程試等護運道俱赴綦江路達州同知李潤涪州

知州陳敬衷判官馮運泰等佐餉務忠州知州倪伯鯨銅  
梁縣知縣陽思謙南川縣知縣湯自強等領佐貳等官督  
運夫遊擊任承爵護運道參將金秉鉞守備葉當春守城  
池俱赴南川路瀘州知州邵崇雅富順縣知縣柯文等帶  
領宜賓縣縣丞曹一科等各佐領等官俱赴合永二路沿  
途催僱夫運又以參將王夢吉守備劉承職張本各領兵  
護餉陳嗣昌領兵守大魚灣以防賊出野磊等處截糧副  
使史旌賢不妨本路督餉仍總司四路水運分守下川南  
道右參議熊宇奇總催永合二路運夫重慶府知府傅光  
宅不妨府事仍總司綦南二路一切糧餉出納標下中軍

副總兵楊登山代管中軍參將余德榮則傳宣機務哨探  
軍情遊擊江萬仞則練兵應援總提八路塘報千總李報  
國馬千里齋執令旗令劔總領八路督陣紅旗官藍國賓  
高貴郝國安鎮國楊仲乾何天慶岳志德嚴臣等三十二  
員各詣營中分投監陣催督等因又奉本部院憲牌仰道  
卽將發來節奉旨意賞格諭言書冊免死照票等件傳入  
播民及酋親黨一體遵行又蒙巡按四川監察崔御史節  
次憲牌行道嚴督將領等官照依盟約刻日進剿及防姦  
細撫降人等因俱經移行四路總兵并監紀等官遵照今  
平播功成在事大小文武官員例應查敘查得綦江路先

該川東監軍道參政張棟會同總兵劉綎選差鄉導跟同  
降民朱應元等將部院原發賞格諭言免死照票持赴播  
地遍行曉諭披散逆黨隨由綦江東溪發哨探得點腳壩  
松坎爬頭等夜郎舊城一帶皆崇山峻嶺深箐懸崖在在  
伏賊截奪糧運而銅鼓臺嚴村固皆係賊巢若不埽除清  
道何以直擣長驅隨經呈允部院行令坐營都司周敦吉  
王芬守備周以德等率兵進剿於正月二十一日攻克丁  
山銅鼓臺生擒賊首毋興等九名斬級一十五顆俘獲一  
十三名口奪獲頭目偽印一顆器械一十二件馬牛五匹  
隻二十七日攻克嚴村固擒斬四十三名顆俘獲二十三



名口全活被虜男婦十名口奪獲器械四十四件馬牛二十三匹隻又於新村斬級六顆二月內奉到師期議行大勦節據鄉導并綦江等處被害人民報稱柎木山羊簡臺等洞皆天造地設陡絕險固爲巨盜淵藪先年永甯播州二土司屢次攻打曾不能克連年黨附逆酋埽劫江津南川涪州合江地方殺戮生靈虜掠男婦不可勝計且於丁山里秦家灣桐梓園李漢壩貓兒岡一帶聯絡劄營賊眾不下二三萬計日間截路夜則劫營遇大兵則竄入深林及兵過則從後邀奪該總兵劉綎籌算既定密令都司周敦吉率千把總李玉李大榮指揮李場旗鼓官陳策等由

黎陽壩攻山羊柎木峒之右千把總趙奇傳統周希受羅  
向辰柯朝季詹芳洪信劉啟明等由黑溪澗攻柎木峒之  
左守備周以德千把總莫尙智王文憲易朝臣莫如爵唐  
文戶張會九王道達等由李漢壩攻柎木峒之中劉綬親  
統守備徐珊中軍王九思掌號陳鸞指揮劉光漢傅朝政  
千把總劉興勤劉招孫李慶雲劉茂林等接應本部院督  
陣旗牌藍國賓景廷貴左仲威白世英總兵旗牌王朝徐  
加英何文星劉應登等與報效經歷李燦監生陳履祥李  
守芳分投監督而以都司王芬等攻點腳壩簡臺峒以絕  
柎木峒之援十四日兵至李漢壩賊眾迎敵時因天晚相

對劄營十五日黎明與賊交鋒我兵奮勇大戰賊多死傷披靡奔回守峒我兵乘勝追趕連破三關賊用硬弩藥箭滾木礮石死拒劉綎親詣峒前下令官兵齊登圍頂一面伐木運草丟積圍下舉火焚燒一面纏索墜廂內安鳥銃攻打峒門唯是彼時風逆將雨劉綎下馬叩禱稱賊罪惡貫盈祈天助順標旗一招俄而風轉雲收火燄入峒賊死烈燄三峒盡克在枿木峒生擒賊首吳尙華等四十六名斬級一百一十六顆拏獲穆炤妻男與各賊屬四百一十二名口全活被虜男婦一百四十八名口計擒長官穆炤并殺房遊擊賊首王宗禮在山羊峒斬級二顆收降賊首

穆廷紀等男婦六百九十七名口在簡臺峒生擒三名斬級三十九顆俘獲六十四名口收降何懷等八名奪獲器械四十四件馬牛八匹隻焚燒倉糧二千餘石又於黑峒斬級十顆張耳村鐵竹箐斬級六顆報至重慶奉本部院嘉其首功動懸賞銀五百兩獎賞該鎮官兵二十九日酉時哨報楊應龍挑選上刻老虎兵并各關苗賊四五萬令男楊朝棟總管楊珠等統領分爲三路一由松坎一由魚渡一由羅古池約會三鼓劫營天明堂堂大戰總兵劉綎連夜密傳各營整備軍火器械分布奇正令徐珊陳策等引兵一萬伏於羅古池以待松坎賊兵令王芬引兵一萬

出營外駕鴛埋伏以待魚渡賊兵俱要銜枚靜伏專聽號  
檄令周敦吉引兵一萬專備分投接應三月初一日丑時  
楊朝棟等果來銜營號礮一鳴伏兵齊起綏知賊勢重大  
親統守備周以德千把總劉可春王珠包正龍曹柏胡清  
何成雷震龍馬禹卿等各家丁日本降夷與賊血戰從丑  
至未鏖戰數百合賊遂奔潰我兵大獲全勝追逐五十里  
賊皆棄甲拋戈竄入深箐楊朝棟幾爲所擒生擒賊首黎  
甫明等十名斬級一百六十四顆全活被虜男婦三名口  
奪獲戰馬十一匹器械四百零二件十八日至九盤子發  
兵二十四日抵夜郎舊城哨報賊於滴淚三坡瓦窯坪石

虎關據險設守我兵自下而上仰攻甚難二十五日劉綎將兵條爲五路各以都司守備領之而親率千總劉可春莫如爵包正鸞土同知陳思虞等於二十六日奮勇斬關連奪滴淚三坡并克瓦窯坪石火爐二寨攻破石虎關生擒三名斬級三十一顆收降男婦三十六名口奪獲器械十二件二十七日攻克悶頭箐炒米坡頂山三壩鬼崖一帶險寨斬級一十五顆俘獲二十九名口收降三十六名全活被虜男婦五名口奪獲馬牛八匹隻器械三十三件二十八日兵至婁山關萬峰插天深谷絕地黑箐蔽日喬木連雲中間一路纔可數尺狡酋復砌石爲壘架木爲樓

重設木關一十三座關樓之上堆積滾木校杆礮石下列  
排柵數層仍用合抱大木橫截路中空深壕陷坑內安竹  
簽以斷路傍自謂百險俱備我兵必不能破劉綎將官兵  
分爲三路發周敦吉周以德陳大綱等由左山李玉吳英  
李大榮等由右山各從間道透入林內攀藤附葛魚貫而  
上至山頂裹絮被滾崖而下抄出關前繼復親率陳策劉  
光漢劉可春楊太等於二十九日黎明齊攻箐口各賊出  
關迎敵矢石如雨我兵號礮一鳴關外關內響聲如雷各  
賊震驚跳崖死者無數其餘俱奔箐逃命我兵毀柵填路  
而入連破關門一十三座追至石筍圍將圍焚燒直至永

安莊抵晚收兵劄營白石口生擒賊首劉興漢等十二名  
斬級一百零四顆俘獲一百零五名口全獲被虜男婦二  
百零九名口奪獲器械一百三十九件戰馬七匹水黃牛  
十一隻四月初一日劉綎傳令官兵聯絡列營防賊衝突  
初三日辰時哨報楊酋父子領老虎兵與各種苗賊分爲  
三路每路三萬定要決一死戰又令楊珠等領苗兵萬餘  
抄出後山奪占樓關當卽四面蜂擁而來綎隨下令今日  
係遇大敵官兵各須用命隨率各營馬步官兵分投迎敵  
自辰至午鏖戰數十合衝過青龍坎賊敗奔逃時已天暮  
收兵回營周敦吉周以德徐珊等直追至養馬城方回通



計斬級三百三十六顆俘獲賊屬一名奪回被虜二名奪獲器械三百九十六件戰馬七匹陣亡都司王芬守備陳大綱土官楊愈百戶聶儒旗牌官郝大仁等官兵三百三十二員名初十二等日自四渡水進擣海龍國十五十六等日攻克後水等國剗營關子山生擒四名斬級三十四顆俘獲三十九名口又伏路塘兵拏獲細作朱邦裕等七名又據先擒黎甫明等執稱海龍國周圍尙有龍爪望軍海雲等國養馬養雞等城皆海龍羽翼必先掃除方可成功十七日劉綎分兵三路以徐珊周以德千總熊俊李華等兵爲前鋒以周敦吉趙賢輔陳策指揮左維準等兵

爲後應綖卽親領指揮千把總李朝棟何奮武游汝壁周  
大賢何維翰陳道南王臣陳子名孟相等并各降夷日本  
逐處應援是日周以德等兵斬關度箐直抵龍爪園下苗  
賊蜂擁齊出我兵殺賊大敗連破賊柵十數層隨奪龍爪  
險園十八日徐珊等兵攻望軍海雲等園一鼓齊下後攻  
至養馬城乘勝追進海門關龍鳳關水關奪獲海門關牌  
鑰呈驗訖又攻破養雞城生擒九名斬獲賊首張漢清并  
賊李炳等首級四百七十顆俘獲二百八十三名口收降  
二十六名奪回被虜男婦一百二十八名口奪獲馬牛一  
百五十八匹隻器械一百三十七件是時川兵四路俱至

棲酋於海龍國上該監軍道會同三總兵議稱前路仰攻  
爲難派劉綎攻囤前左槽南川路馬總兵攻囤前右槽永  
合二路吳總兵曹副將攻囤後二十五日四路夾攻劉綎  
官兵衝破鐵柱關生擒二名斬級五十三顆銃死內總管  
楊珠楊瑠賊眾拉去奪獲器械二十七件先二十一日奉  
本部院籌慮川兵四路或不一心牌委守東道按察使張  
梯綜理兵糧聯合將領刻期攻剿又蒙巡按崔御史憲牌  
亦同前事該本道遵依移文練兵遊擊江萬仞挑選精兵  
五百領以把總李桂朱光祖從本道卽日起程馳至軍前  
隨詣囤下相度周遭謂必大修攻具方可一鼓蕩平一面

報知兩院一面行會各營隨遵原行於五月初三日盟各道鎮於養馬城公定約言其有不同心戮力而專功自便者明神殛之仍議定一面急修攻具一面前後來攻本道同監軍日立陣前隨宜調度綦江路兵於初十日攻毀鐵柱關窰城五處焚樓二座斬級三十六顆奪獲器械六件十一日進攻飛虎關斬級七顆十三日攻上三十六步拆毀城塔排柵斬級二十顆十五日攻毀國邊排柵斬級十九顆該本道看得國前陡絕勢如登天雖日有斬獲第難飛上今攻具已備若移兵國後大發賞銀酋可立破隨奉本部院委標下參將余德榮入營集各道鎮會議將綦江

路兵改攻固後又發懸賞銀二萬以鼓先登六月初一日  
本道同監軍道劉總兵選兵移後連日大雨如注初四日  
午時稍霽本道會同六監軍四總兵議定次日以總兵劉  
綖與貴州總兵李應祥攻固後隨促綖回營整兵於初五  
日子時發周敦吉李爲瑚龍正通王九思陳鸞吳英劉鳳  
岐把總徐敏學等領兵劄固前固左以防酋奔發趙賢輔  
領兵劄海龍壩以截酋黨發徐珊領劉汝朝周希受羅向  
辰等由固後右路進發周以德領高欽傅貴王金惠田萬  
年指揮杜熊兆等由固後左路進劉綖親督劉光漢陳策  
劉天憲劉天能劉欽何忠百戶余新等由固後中路進合

貴州李總兵下官兵質明齊攻本部院標下參將余德榮  
千總李報國馬千里率旗牌藍國賓郭三省曹華等陣前  
催督賊據險城弩矢如流木石如雨我兵小卻本道號令  
三軍指揮旗鼓劉綎躬冒矢石親打銃礮我兵刻定先登  
者皆數叢絮被踴躍爭先呼喊奮擊震動天地賊不能禦  
遂棄頭城我兵據之卽時拆倒進攻二城賊以死拒我兵  
且卻且進火輒火箭槍礮烏銃霹靂齊發賊不能支棄兵  
奔退我兵遂克石城隨亦拆毀時已過午我兵卽營城基  
之上是夜苗兵潰散次早合各路官兵攻入三城酋卽縊  
死妻子爲俘闔圍賊屬無遺噍類劉綎部兵擒獲有名賊

首楊明田飛鵬等二十二名內田飛鵬張玉周五巴楊七  
僞內侍王守爵祿受高忠元慶元與先獲穆炤袁鼇罪惡  
深重俱應獻俘田有旺董承爵夏元王守忠長受楊學壽  
元慶壽辛巳合壽見在監候楊明等在陣被傷今死外斬  
級一千六百二十二顆是役也一戰破三峒殲賊魁俘獲  
男女千餘而賊藩籬剖再戰克九盤走賊子追散苗夷萬  
餘而賊兵力衰再戰取石虎取婁山入養馬城而賊土地  
空再戰奪鐵柱奪後關登海龍國而賊巢穴埽舉數十世  
相傳遺孽根斷株灰將八百年盤據雄巢土裂瓦解總計  
此路先後共生擒賊首賊從一百三十一名斬級三千一

百四十六顆俘獲賊屬九百六十九名口收降八百零三名口全活被虜男婦五百零五名口俱卽解赴贊理監紀史同知驗明轉解紀功道核實彙報先後招降安插過一萬五千七百四十一名口所獲牛馬二百四十七匹隻器械共一千二百一十一件此綦江路所紀之功也又查得南川路先該推官高折枝於萬厯二十七年十二月內奉川東監軍道牌委移駐南川閱查漢土官兵時逆酋見大兵未集先發制人遣苗不時出劫綦南二縣邊民推官高折枝慮恐新歲人心易懈爲賊所乘隨行酉陽宣撫冉御龍發兵一千劄東鄉壩石砭宣撫應襲馬千乘發兵一千



劉鄧坎村二十八年正月初二日酋苗入劫石砭營千乘部兵并乘妻秦氏報効兵禦之追入賊境連破酋金竹土青岡嘴虎跳關等七寨擒斬賊首梁廷躍等三十九名顆俘獲二十三名口奪獲器械三十五件先據鄉導報稱酋自破寨後卽於寨南中路地名官壩置黨郭俊何廷順等領苗萬餘以扼我師高折枝遵奉本部院指授密令冉御龍分發把總冉大周保靖宣慰應襲彭象乾率兵攻官壩之前御龍親率司屬土千戶楊正生報効生員冉維嵩冉必和等兵截官壩之後乃以周國柱王之翰與馬千乘率兵直搗官壩之中於本月十五十六日大破官壩寨連破

廠崖固追殺二十里各賊斃於銃礮及墜崖死者不可勝計前後共擒斬三百五十八名顆俘獲三名口奪獲戰馬三十四匹水黃牛二百二十八隻器械二百一十五件全活被虜婦女四口先是酋勢猖獗各兵趑趑官壩高折枝一鼓破之於是各兵人人踴躍始不難酋矣十八二十三等日招降播民游能等男婦四百一十四名口時總兵馬孔英尙未至二月初五日奉本部院齋令旗下推官高折枝以監紀兼督兵十二日奉令進兵十四日南川兵入眞州境眞州司正長官應襲鄭葵副長官應襲駱麟引兵投見卽令充爲鄉導別遣陝兵一千清道明月山以便糧

運據報明月山有苗寨四處當先剿除卽行周國柱李經率駱麟等兵以十六日攻克劉九陳瓦中山婁家里四寨擒斬一百三十一名顆俘獲七十一名口奪獲馬牛二匹隻招降楊平堂朱尙虎蘇文剛等男婦一千零九名口計擒苗頭馮世元等十六名口內馮世元李廷友王廷祿簡三係酋心腹當卽斬首彭宗望等七名脇從可矜姑從釋放傅氏等三口係原虜婦女發回王成係小內使與婁高監候又蒙巡按監察崔御史憲牌嚴禁各兵騷擾發簿各道登記但有犯者事完處分十七日南川路兵至赤崖查得風坎官崖等四接連礦子山羅草臺清溪十二茅坡

以至紅花灘土坪長礮清水坪封甯關望草一帶狡酋布  
列黨與伏箐聯營賊眾不下三萬若不先行掃蕩未免擾  
運劫營高折枝會同周國柱等下令官兵分道接山而前  
是日馬千乘兵遇賊赤崖國斬級三十六顆十八井二十  
六七八九等日冉御龍馬千乘鄭葵駱麟駱鑄等兵遇賊  
風坎關官崖國礦子山羅草臺清溪十二茅坡等處擒斬  
吳廷貴等二百五十六名顆俘獲何朝海蹇廷倫等四十  
一名口奪獲器械一百零三件全活被虜李啟元等八名  
口收降孫朗高婁等男婦四百一十名口三月初一初三  
四五六等日酉石平茶毛兵劉勝楊光祖楊正韶冉大周

上舍鄭廷良等兵遇賊紅花灘長礮望草清水坪封甯關  
鬼崖灤水羊崖等處斬酋坐寨冉海元王廷佐生擒苗頭  
蔡明巴習文獲賊黨惡容山司副長官韓應時仍擒斬從  
賊張澤正朱子美等一百三十一名顆俘獲八名口奪獲  
器械一百件全活被虜男婦十名口收降劉玉等十八名  
望草九寨封甯關房盡行焚毀又蒙巡按四川崔御史牌  
行監軍道禁諭漢土官兵不許零星報級以防假冒又奉  
本部院牌仰監紀二道移催將領協力進剿早奏膚功不  
許老師費財俱該二道移行將官極力圖賊初七日兵至  
黑面崖桑木關在望哨報桑木關山險箐深騎日薄雲而

前後大灘風坎九杵黑水等關酋聚虎苗憑險拒守我兵  
自下而上仰攻爲難高折枝卽行周國柱等以馬千乘王  
之翰總管秦邦屏等引兵出桑木關之左以冉御龍冉大  
周冉世爵冉良彝等率兵出桑木關之右周國柱李經引  
守備萬民英千把總王佐王承緒于應祥土舍楊通達楊  
正枝等取大灘關直擣桑木關之中是日進薄關下因晚  
剗營與關上賊兵燈火相照初八日黎明我兵布陣賊卽  
迎敵飛石標槍大弩藥矢勢如雨下高折枝向前懸賞厲  
劒督策三軍我兵奮不顧身搶關而上賊遂披靡舍關奔  
竄我兵乘勝越過桑木關轉戰桑木壩賊皆敗走追至風

坎關又敗賊兵初九日連破九杆黑水等關前後共斬級一百零一顆生擒姦細道寬升可安寨頭王亨元等八名俘獲五名口奪獲器械六十五件馬牛八匹隻又哨得桑木壩而上尙有苦竹關羊崖銅鼓等寨苗賊聚守卽遣中軍千把總等官李桂芳李進李登邱汝孝王問臣向時化李廷相李一登與楊光祖鄭葵駱麟等兵於初十一日攻克苦竹關羊崖羊桶銅鼓等寨斬級九十四顆擒獲朱子禹梅黑歌李偉等九名奪獲器械五十八件牛馬四匹隻又奉本部院牌仰監軍道催督漢土官兵俱以三月二十日會哨白田壩直搗海龍關早奏捷音等因卽行各將

領周國柱李經督率漢土官兵羅人豪漆太然余武龔論  
鄭葵駱麟楊正輝楊正侯冉世爵秦邦屏等於二十四  
十七八等日遇賊分水寨白土岡桑木壩黃魚江金子沙  
刀二國交槍大戰前後共擒斬阿老等二百一十七名顆  
生擒苗頭柳天富俘獲三名口奪獲馬一匹器械三十三  
件收降王正梯等男婦二千四百四十四名口十八日總  
兵馬孔英帶家丁五百名入營十九二十二十四等日  
周國柱李經等令千把總高尙江李庫李科李茂春百戶  
小懷忠等各選精兵入賊重地朗山口白田壩哨探遇賊  
長灘河苗子三壩偏崖等處交戰斬級三十九顆生擒七



名奪獲器械二十一件收降王朝梁等男婦四百二十一  
名口二十六日高折枝會同馬孔英留王之翰領兵守白  
土臺以衛糧夫平茶邑梅兵守桑木關南川大兵進劄金  
子壩是日酋遣總管楊珠同弟楊世龍率苗三千劫白土  
臺營王之翰卻走殺糧夫九名楊光祖聞警率兵策應賊  
始退劄桑木壩口高折枝會馬孔英率兵還救與賊力戰  
萬民英部下把總武定邦連發火箭三匣中賊人馬皆倒  
劉勝兵從傍殺入賊遂大敗與二十九日馬千乘兵共斬  
級七十九顆與夷目王恕兵生擒李應阿琴李受等二十  
五名奪獲馬三匹器械二十八件四月初四日總兵馬孔

英復營金子壩初六日進劄朗山口連日劉勝小懷忠馬千乘等哨兵遇賊梅子溪朗山口擒斬二十七名顆奪獲馬二匹全活被虜封完奈氏等八名口又朱應元招降張鑾等男婦四百八十六名口初七日哨報朗山左等有後水固酋大足莊也伏有強苗數千恐躡軍後卽發周國柱李經馬千乘坐營孔繼祖百戶蔣印劉武昌率兵攻後水固拔之擒斬一百零五名顆奪獲馬牛一十九匹隻俘獲男婦二十五名口全活被虜陳三元等一十一名口收降陳良仲等男婦一百八十名口是日驛丞朱化龍同護餉指揮王正國百戶盧鳴春盤獲姦細王宗智等三名解監

軍道梟斬訖又哨得朗山口而前有飛木水長灘河七靈  
寨滴水崖竹流水葫蘆園至酋近地長灘清溪蒙子橋直  
抵高坪皆深箐翳翳處處伏賊高折枝會同馬孔英列兵  
三路分左右翼接箐而前初八九日進兵飛木水把總陳  
九思護餉任承爵并馬千乘冉御龍等兵遇賊長灘七靈  
滴水崖竹流水等處擒斬楊廷伏等一百一十五名顆俘  
獲陳乾等四名口奪獲馬二匹收降酋寨長趙嘉遠等男  
婦二十六名口播民楊林等男婦三百一十六名口全活  
被虜劉朝棟等六十一名口初十一日漆太然冉御龍  
駱麟楊光祖等兵遇賊葫蘆園長灘清溪蒙子橋等處斬

級一十六顆奪獲戰馬一匹器械九件收降播民胡順等男婦三十名口是日逆酋遣心腹頭目許瑤趙天澤赴營詐降欲作內應當時審明斬首隨令冉御龍伏兵四山急防劫營待至三更酋遣總管楊珠等果率惡苗數千襲劫酉營伏發斬級五顆眾苗驚退冉御龍全兵衝出追至海龍壩天明十二日馬孔英率中軍金汝卿千戶周宇善擬戍知縣趙以俊與周國柱馬千乘楊光宗等各亦領兵策應直追至養馬城大戰擒斬夏元等一百零三名顆俘獲七名奪獲馬四匹器械八十六件全活被虜男婦九十五名口是日及十三日任承爵護餉兵與把總冉良楊光祖

等兵遇賊溪源接戰擒斬五十四名顆奪獲器械六件日暮又緝獲酋弟楊順龍等姦細一十四名審實斬首酋氣益奪十四五日周國柱李經冉御龍楊正韶等兵接籌遇賊擒斬二十四名顆奪獲器械四件招降李友生等男婦二百零二名口十六日高折枝會同馬孔英發酉陽平茶延綏兵從土地壠徑攻養馬城石砮甯夏固原邕梅及劉勝兵毛兵從喇叭水超水西營前攻海雲園賊兵夜衝酉營爲酉兵所敗天明十七日酉兵與延綏兵直殺入養馬城追至海龍園第二層關斬級八顆酉兵因慮勢孤先退延綏兵亦退致賊乘勢復出陣亡延綏兵五十九名酉兵

二名十八日合綦江路兵復攻進海崖關連破海道海門  
關賊奔國上我兵卽劄圍側自是酋以鐵柱關爲守不復  
得出關矣共計擒斬一百八十三名顆俘獲苗婦九口奪  
獲戰馬二匹全活被虜余思臣等一十名收降寨長楊鑑  
等男婦八十三名口是日部院中軍副總兵楊登山率家  
丁入營奉本部院看得川兵四路入關半月未見攻取牌  
行本道催行馬孔英周國柱等督率漢土官兵於本月十  
九井二十四五及五月初二初四等日攻打鐵柱關并擒  
勦伏箐賊斬級四十一顆全活被虜男婦一十一名口收  
降辛大朗等男婦六百零八名口武生王承宗家丁白有

功等於望草收降王正奉等男婦一千八百一十九名口  
又該本道奉委在營會各監軍催督各營將領亟造攻具  
併力一心於初十日率兵徑逼鐵柱關門南川兵用火輒  
火箭燒燬關樓豎梯登城擊進關內與賊鏖戰自辰至酉  
銃礮斃賊甚多關城排柵盡行拆毀當陣斬級十顆十一  
日又奉本部院督行監軍道如過十日不能破圍獻首者  
先將各將領中軍官絀解軍門處斬總兵官聽叅等因隨  
經監軍道催行將領遵照該本道議選南川路漢土精兵  
以一萬繞賊圍後以二萬與綦江路兵合攻圍前約定前  
後夾攻一鼓滅賊十五日本道同推官高折枝親統前兵

列陣國後賊出據山迎敵石砭兵首先衝鋒奪賊一山西  
兵陝兵毛兵土兵繼之與賊交槍接鬪鏖戰十餘合連奪  
二山銃礮藥箭斃賊無數雖止斬級五顆而國上人人失  
色矣二十日本道與監軍道高推官議選敢死先登之兵  
人給賞銀十兩內選南川路五百名隨發懸賞銀五千兩  
軍中踴躍爭欲先登又該二道議令國之前後日夜擾賊  
使之疲敝稍待攻具悉完一鼓滅之二十一日賊夜窺石  
砭營伏兵斬級一十六顆二十二三五六等日發擾國兵  
擒斬飛龍飛虎關守賊阿元等十二名顆收滾國投降酋  
莊丁傅瓊傅湖傅三受三名六月初一二三四日發擾國



兵斬飛虎關守賊六級查出酋僞降提調董鼇收監收滾  
國投降酋書記駱紹坐寨郭通憲等一百零七名初五日  
二道看得攻具已備賊勢甚窘催行周國柱奈世威等督  
同指揮千百戶鎮撫等官柳汝植張雷沈應時來有功馮  
光先奈世俊奈世英趙斌郭武興等兵與劉挺兵攻賊後  
門推官高折枝與馬孔英督領指揮千百戶武舉等官鍾  
允升趙邦維鍾景星馬如繡馬騰霄李成現黃銘杜應魁  
等兵攻賊前門是日前後兵殊死戰後門克賊土石二城  
斬級一十八顆奪獲器械一百件當夜酋坐寨楊正榮引  
男婦五十名口奔降報酋欲領惡苗衝出國右逃生隨發

精兵厚積固右高折枝馬孔英竟夜固前督兵嚴守次日  
四鼓卽令酉兵從右石兵從左陝兵毛兵平茶兵從中大  
呼轟雷齊攻上固燒燬飛虎關賊皆鳥驚獸駭不復思關  
酋呼心腹皆掉臂去馳視前後燈火遍山兵羅如織無路  
可脫遂拉二妾入室同縊是日本路生擒孫時泰宋承恩  
等一十一名斬級一千一百六十四顆俘獲一百九十一  
名口因酋死白縊解還懸賞銀五千兩貯庫爲照我兵誓  
師開刀已復閱月各路相望莫利先入關者推官高折枝  
以文吏而攝將權先入關以風各路自三月初八日直斬  
桑木關而入越二十日婁山崖門相繼克關者南川路倡

之也嗣是再勝金子壩而酋氣奪連勝高坪而酋膽寒屢  
勝海門等關而酋黨孤旋以四月十八日蜀合四路之兵  
賊成垓下之圍有如是時乘備未周前後急攻將迅雷不  
及掩耳無俟諸路兵至而圍已拔矣迺詐降詐死多計緩  
兵賴本部院洞燭其姦南川路兵力主於戰則不中賊餌  
而酋計無復之也誰之力哉且也選募壯士頻探虎穴獨  
當圍前賊無逸路摘發陝兵佐綦江路兵同破兩城徹夜  
防酋質明無一得脫南川路之功不細矣以上通計本路  
克關固寨三十七處斬獲堪紀功級三千二百一十八顆  
內賊首六十一顆賊從三千一百五十七顆生擒一百八

十三名內宣慰應襲宋承恩軍師孫時泰土舍馬千駟首  
心腹何廷玉何玘陳大才詐僞旗牌吳進達楊華詐降提  
調董鰲心腹內使葉進喜總管王積仁罪惡深重俱應獻  
俘苗頭蔡明賊黨婁高王成張萬受吳廣錢僞小內使己  
卯石泉見在監候其助逆容山司副長官韓應時先送南  
川縣監今與楊阿三楊木老阿用陳庚田元吳金福高祥  
吳阿元等各解中途染病兼在陣被傷陸續身死巴習文  
王廷孝馮世元等先經審明斬首訖軍頭王亨元李文桂  
留營招降有功姑應免死其餘拏獲從賊審無重情者俱  
量責與王亨元等各發真州南川地方安插招降男婦八

千七百一十三名口俘獲賊屬四百二十二名口安插被  
虜民婦二百二十名口奪獲牛馬三百零七匹隻器械七  
百二十七件此南川路所紀之功也又查得永合二路先  
該參政謝詔會同總兵吳廣副總兵曹希彬親督漢土官  
兵於二月十二日分哨進剿先劄大營於二郎壩爲攻取  
地隨據成都府知府周懋卿敘州府知府劉三樂將所造  
軍火器械并所買藥材陸續解入營中該鎮道密議播州  
關以外賊黨盤錯相倚附而洶洪安羅三寨鼎足而居可  
以力拒二郎壩之前遮擊澗壩之後其五岔閔山眼山木  
艾等固又皆糧運經由之路若不先翦其羽翼安潰腹心

於是計令曹希彬及吳文傑吳從周等督永甯宣撫司目把劉國用熊應山等并熟識鄉導齋本部院賞格諭言約五千餘帙并收降白旗前後各寨用間招撫去後二月十五日據宣撫司官目胡文案等探得賊提調郭通緒聞大兵將進起取大溪小溪等處惡苗屯劄盤龍水地方迎敵我兵乘其營壘未定當夜襲擊各苗奔潰四散我兵追趕生擒老虎兵張廷富嚴方二人奪獲器械三十七件二十五日劉國用李長年與名色守備傅廷鑾等招出淘洪灘長官羅國明安村長官安鑾各部下羅國顯安甫等男婦共一萬四千一百餘名口安鑾又斬坐寨提調何文明等

首級九顆生擒王金受一名投獻以表真誠該監軍道俱行監紀官趙世德點驗各給銀米以資養贍仍委敘南衛冠帶應襲指揮僉事郭之藩坐鎮將羅國明羅國顯安鑾解赴軍門獎賞各給冠帶榮身三寨旣降聞風者接踵儒溪長官袁起龍招出逆酋頭目趙坤等三十名胡文案招出鄢廷華等八十六名口三月初一日郭通緒令把事苟會聚兵穿崖國要得乘機拒截大兵吳廣調發曹希彬吳文傑趙應科吳從周中軍指揮王繼祖千總鄭子龍土司劉國用等并本部院督陣官郝國安鎮國文運開王可興冠帶應襲江應兆等漢土官兵四面攻圍焚燒寨房生擒

五名斬級一百二十九顆俘獲九名口全活被虜綦江縣男婦四名口初四日馬湖等營兵捉獲姦細穆正等三名本月十六日總兵標下督陣官徐登領廣兵并袁鼎兵各一枝攻打陳家峒生擒寨主男王好國及王江王俸斬級二十三顆俘獲賊屬一十名口本日袁起龍發兵護餉至麻子壩黑峒山遇賊生擒一十六名口斬級一十三顆隨於吼灘招降夷目趙崇儒等男婦三百餘名口二十日長官袁年永甯抹賽江崇禮共捉獲姦細羅么兒等三名關外招降人眾羅國明安鑾等又各帶精銳家兵隨營征戰我兵可以長驅節奉本部院差旗牌官百戶葉世隆虎文



蔚屢牌嚴催上緊攻取崖門等關毋得逗遛觀望又蒙按院牌行監軍道轉行該路文武等官同心誓眾斬關攻圍又奉本部院行委分守下川南道參議熊宇奇駐劄二郎壩督催夫運接濟大軍該鎮道會議進攻崖門險關令曹希彬吳文傑領漢土官兵二萬八千有奇由青菜溝進封建吳從周趙應科領漢土官兵一萬三千八百有奇由官木崖進司懋官領馬湖土兵六千永甯目把周愛領土兵一千由油灌壩白鹿岡進建武所提調張曉同貴州普市所百戶周應魁領漢土兵四千由緝麻山進俱於本月二十一日自二郎壩齊發以護運參將王夢吉兼領漢土官

兵四千一百有奇防守老營仍分歧徑哨伏張疑又令土官奢世續分發土同知王好善長官謝崇懷等督領昇兵二千餘名把截桑木堖山丹窩刀子箐蛇皮箐等處要路防賊出沒劫糧其浙兵一千名長官袁初兵五百名武生馬邦聘趙奇鳳等兵一百名同親兵三百五十名專隨該鎮策應又分差旗牌官胡彥英葉雄藍遇兆楊世勳陳勉之汪宏輝吳應祥各營督陣二十四日吳從周趙應科督千總周登曾太張子明郭鸞黃尙鳴王元爵李先春等兵至馬鞍山劄營賊伏四起我兵追殺入箐生擒六名斬級四十二顆烏銃傷死賊馬二匹奪獲器械一百餘件周愛

領兵由簸箕嵌直衝木艾壩賊營生擒十名焚燒營房七十餘間上官文安民等兵於絲栗關遇賊交戰生擒十名斬級五顆俘獲婦女四口奪獲器械五件曹希彬吳文傑等兵至五岔山令劉國用張嵩傳廷鑾胡文榮招出大小峒阿曹都子三老馮時濟等男婦五十七名口中軍鄧起龍諭招千邱田峒劉權善等羊跳巷國張萬才等黃羊峒猶承教等男婦一千餘名口長官劉謙招出河村峒李旺等男婦五十七名口二十七日各兵從五岔山移營岡山探得賊提調何漾督兵據國吳廣隨發守備江萬化周大謨鄧起龍劉國用張嵩百戶吳天奇千總逢崙黃泰陳恩

郭天俸等各領精兵一枝分爲五路攻打生擒六十五名  
斬級一十八顆俘獲男婦三十九名口全活被虜一口奪  
獲牛二十三隻器械六十四件二十九日趙應科統領鄭  
子龍百戶戴鳴鳳千總會太鄭光啟等合封建司懋官吳  
從周各部下千總梁齊賢千戶顧南陽劉國祚等兵與賊  
大戰於磨槍埡時逆酋見大兵逼進崖門嚴令郭通緒盡  
起關外一帶老虎兵拒敵通緒素稱强悍逆酋倚爲右臂  
僞署總管專守崖門我兵交戰數合賊勢甚猛吳廣令慣  
用烏銃家丁五百名設伏埡外南岡下令趙應科等兵挑  
戰埡兩山相夾中有一道通緒屯兵其中及見我兵挑戰

騎馬橫槊飛衝前來應科等引兵佯敗通緒追趕出堙伏兵突起急回奔堙被廣兵烏銃打倒騎馬通緒復躍上別馬伏兵攢槍刺死傳首轅門餘賊奔遯眼山圍我兵四面合擊斬級三百六十顆奪獲器械不計通緒旣殺各苗喪膽於是頭目趙圭遂斬僞提調羅世恩首級投獻賊首羅剛部下劉宗成張桂枝孫桂山袁傑等各帶男婦萬餘羅拜乞降把總蔣元鎮又招降童守明等三十餘名三十日鎮道召集各將會議郭通緒授首崖門已無統領可以急取薄暮曹希彬密令鄉導劉謙雷安民等潛探把關情狀夜半同報曹希彬同吳文傑卽督江萬化周大謨鄧起龍

千戶蔣惟喬百戶吳天奇曹應奎孫繼善千總郭天俸劉  
宏緒羅起鳳狄仕進陳華廖仲德并劉國用張嵩傳廷鑾  
熊應山等帶領精兵大礮手星夜銜枚急進至則守關苗  
兵俱各睡熟江萬化等先登砍殺多苗守兵方覺齊起對  
敵勢不能禦有從山腰吹角號叫者各賊亂奔我兵追逐  
大礮齊發斬獲把關頭目楊保及壯苗首級一百六十九  
顆封建司懋官吳從周趙應科領廣浙馬湖合江曾太周  
登王大經索信悅天恩夏德懋等兵繼至斬級一百二十  
六顆各奪獲器械等件燒燬臨關各山寨房一萬餘間各  
兵乘勝直衝至養馬城之前時綦南二路官兵雖已入關

尙未及到貴州偏橋兵馬猶在關外四月初三日與賊戰於紅盤水斬級八十顆初四日戰於土崖斬級三十一顆初五日戰於分水關斬級三十五顆初六日戰於水牛塘斬級三十八顆提調張曉永甯目把彭受王堯等兵亦於初四日攻破李卜垵大囤斬獲楊六等首級五十九顆撫降男婦千餘初六日攻破緝麻山長岡囤斬級一十二顆逆酋見得本路孤軍深入連戰數日意欲乘疲衝擊快於一逞以阻各路官兵前進初八日黎明酋騎海青四明王頂大馬手提偃月刀親督楊朝棟楊明等擁眾三萬突來衝營張黃蓋二把於高阜遍山搭起帳房其勢張甚曹希

彬等各督兵拼死鏖戰賊眾更番而出喊聲震地且戰且罵廣兵奮前格鬪家丁吳喜被賊砍去頭盔一片猶轉躍殺死三賊是日我兵交戰自寅至酉斬級四十五顆奪獲器械七十餘件銃傷者不計其數隨劄營龍爪岡下逆酋揣勢不敵恐官兵乘勝邀截入岡之路父子抱頭大哭遂驅妻子及各帳房老虎兵急奔上岡用土石填門門外遺棄牛馬并虜掠綦江老幼男婦俱不暇顧該州同趙世德揭報本部院蒙發銀四百兩犒賞廣兵訖十三日吳文傑下後營提調陳恩張紹翰等前去牛羊曲箐採木作柵接獲江巴潼瀘等州縣寄住播州男婦四十三名口曹希彬



下千總劉宏緒閔承惠等亦於龍爪圍下接獲男婦十九名口郭天俸又諭招赤水長官袁鏊親弟叔袁霞等五人十六日張曉等官兵攻打大洪關斬級一十八顆次日進攻板山圍斬級一十二顆十八日會綦江南川兵合攻養馬城綦江兵攻中路南川兵攻右永合兵攻左拔其城乘勝直破水關逼賊圍下合江路官兵斬級二百七十四顆永甯路官兵斬級二百一十一顆俘獲賊屬二口全活被虜綦江縣吏一名男婦五名口奪獲器械不計時三省各路官兵俱畫地分營環攻海龍圍本路鎮道與贊理等官議得圍前重關疊嶂仰攻爲難據所訪聞圍後差平唯是

入國之路深谷老箐樹木摩霄蔽日非側肩不可入而三  
圓山高國數十仞賊所恃爲後屏者苗兵萬餘列柵據守  
非得精兵併力破之勢難卒克吳廣遂留封建司懋官吳  
從周趙應科各部下兵合攻前國牌行曹希彬吳文傑督  
領習知地利劉國用張嵩傳廷鑾王應奇等率土兵向後  
砍伐箐林從泥淖中逐步開通路徑各兵漸進潛入四十  
里二十一日黎明至洗衣塘酋先期已發僞提調鹿罕父  
子領苗千餘在彼把截官兵與戰劉國用親斬鹿罕劉謙  
又斬罕子郭天俸陳恩遂崙兵奮勇爭先共斬苗級一百  
顆奪獲器械八件次日發兵前進接捕賊屬二十四名口

二十二日至白沙水賊兵四出喊聲大震官兵殺退追至永靖關賊伏復發廣兵馬湖兵由深箐取道應援合兵大戰共生擒二名斬級七十四顆賊潰奔我兵追殺吳廣標下親兵斬級一十五顆二十三日參將藍芳威招降小溪里等處穆炬等五十一名張曉彭受領兵至後山合哨二十四日攻破各寨斬級二十九顆二十九日攻破新土寨斬級二十二顆二十五日本路留攻前門漢土官兵會合綦南二路官兵攻打鐵柱關封建司懋官吳從周趙應科督千戶吳承宗劉國祚千總應元周光華等兵併力衝關將關門樓房盡行燒燬當陣斬級六十一顆五月初二日

永甯長官張拱極等領兵哨探遇賊於銅鼓關接戰斬獲賊首趙士登弟趙士真并從賊首級共一十四顆曹吳二將由水牛塘攻開後路且戰且守暫劄營樂窯地方相機進取過營十五里爲石關山則三圓山相連之西南山也沿途石磴水竇行者沒膝中間密箐陰崖不見天日賊不時出沒擾我曹希彬發兵漸次芟除兵始得近山下該鎮道復計賊處高我兵處下而賊兵時尙強銳非出奇罔克有濟遂密諭諸將傳令漢土官兵於初四日夜銜枚臥鼓襲拔之賊退保三圓山而酋子朝棟惟棟督戰愈力梭杆礮石長標大弩藥矢如雨注官兵連日攻之不克時水西

鎮雄兵自左槽進抵後路原攻前門副總兵周國柱遊擊  
羅星亦至本營初十日會同曹希彬吳文傑趙應科江萬  
化周大謨等鼓舞各兵衝鋒郭天俸陳恩鄧起龍等各隊  
下兵與劉國用張嵩傳廷鑾等土兵冒險先登武舉官薛  
來胤武生吳登光趙州同帶到大礮手張吉劉二薛嘉猷  
等銃礮齊發賊傷死甚多遂奪其山我兵登而據之水西  
兵忽自東南山來甫登山頃刻一擁喧囂而下眾兵隨亦  
驚退賊復占據三山職詔急令趙世德速出懸賞銀五百  
兩劄付一十張仍出白牌二面宣諭各將卒利害惟時曹  
希彬急呼劉國用王應奇各與銀一大錠在手高聲招呼

眾兵齊上齊上眾兵蜂擁而進賊懼勢猛復奔下山共斬級四十六顆十一日遂崙周良才等接山生擒苗賊一名斬級二顆曹吳各將獎率漢土官兵斫伐竹木晝夜豎柵立營周三圓山之上綦布星列莫非我兵逆酋固中家室帷帳往來出入厯厯可指官兵營房離固城僅二箭之地而賊汲水樵採之路從此斷絕不能出跬步矣賊失此山遂於城頭架起敵樓城腳安放釘板沿途暗布鐵菱角等件晝夜防守節奉本部院牌催刻期破固擒酋掃蕩巢穴不許坐觀成敗致誤軍機又蒙按院牌催各將領乘此破竹之勢立刻擒酋不許久持固下又准守東道按察使張

梯手本該各鎮道會議卽於本月十四日爲始前後協力  
併攻使賊首尾不能相顧等因移會間十四日該道同南  
川監紀推官高折枝督領前營兵後來十五日合兵攻圍  
賊眾更番出戰矢石如雨官兵奮勇衝擊自辰至暮賊敗  
入城礮銃打死數多不能取級共斬級七顆吳從周下把  
總蔣元鎮等前攻飛龍關斬級二顆十六日張按察使高  
推官復引兵還攻前門十七日我兵分路齊攻賊亦分三  
路迎敵曹希彬下苗兵與廣浙兵衝前永甯土兵繼後連  
戰數合酋用邪術令婦女數百人排立高處去衣執箕向  
我兵扇簸而賊鋒甚厲我兵卽以狗血潑之廣兵牌手羅

一達滾入陣中連殺四賊各賊遂披靡入城斬級一十六顆十八日官兵挑戰酋因前門未戰盡驅合國苗賊出敵被礮銃傷死者眾賊自此閉門不敢再出止於牆頭增豎小敵樓從板孔中飛石放箭暗擊我兵不得近牆十九日二更時分賊來衝營各兵奮死拒敵曹希彬左手中傷藥箭廣兵斬級三顆賊始退同二十日各將督兵攻窰土城羅國明袁鼎等兵窰開一洞被賊開門擁眾出戰千總會太吉安黃尙明劉宏緒楊忠義長官袁初等各領兵衝殺斬級二十一顆連日賊堅壁不出又值雨霧不便攻打二十二日偏橋總兵陳璘從左槽移兵圍後賊見璘兵初至



乘夜來衝永合兵出營包截斬級三十一顆二十九日因賊藏避敵樓我兵屯聚易於受敵鎮道計議採取竹木安置柵欄層層漸逼城牆柵上亦豎敵樓令兵有所遮蔽依據便於從隙射打造就攻城雲梯飛樓等件得柵可以守護賊見勢逼四路衝出各兵抵敵斬級八顆本夜一更時分復來劫營用大鐵矛鉤搭排柵堅不能拔我兵從柵內亂放箭銃將賊傷死無數直至天明方散伏兵斬級五顆是夜把守後固萬安關提調舒自清率妻子十一名口來降時守東道按察使張悌川東監軍道參政張棟原任總兵劉綎貴州總兵李應祥先後移兵來會初四日約集川

貴湖廣各鎮道定議分日輪攻初五日屬劉李二總兵初六日屬吳陳二總兵各照日攻打以破圍得賊爲期初五日劉綎李應祥督兵攻打克破土城連破月城薄暮吳廣暨各將親引中軍千把總詣本道吳廣厲聲起曰明日莫視爲戰直抵命可耳若不破圍我當先死諸將卒齊聲應曰敢不盡死力以從該鎮道隨出懸賞銀三千兩分散各將是夜吳廣將本路兵馬密劄城下暗令曹希彬吳文傑趙應科吳從周等帶領舒自清引鄭子龍張曉王元爵劉國祚馬邦聘袁初劉謙千總車千乘等兵從水道上城約入城舉礮爲號封建領中軍千總梁齊賢等佯攻中門鄧

起龍劉宏緒羅起鳳劉國用張嵩等兵爲左翼郭天俸周登袁起龍周愛等兵爲右翼五更集兵黎明兵從水道登梯上城陳璘兵繼進惡苗拒戰殺死廣兵七人我兵戰益力下城舉放大礮酋驚知我兵已入城中急呼親信苗頭而諸苗亦各奔散無應者酋自度不免因撫膺頓足謂田氏曰我今自焚死斷不落亂兵之手田氏牽衣號哭酋捫去入臥房將門釘閉舉火燒房同愛妾周氏何氏縊死吳廣躬督兵入城先擒酋子楊朝棟酋妻田氏報酋自盡情狀廣急令羅國顯安鑾引至後房破門尋見酋屍急出諸烈燄中須臾火燒樓房一空如稍遲晷刻酋屍俱成煨燼

矣時各路官兵相繼入國廣中火毒啞不能聲昏死在地  
劉綖李應祥抱救良久方甦是日本路官兵生擒酋子楊  
朝棟楊堪棟酋妻田氏酋弟楊兆龍楊從龍楊世龍楊勝  
龍酋姪楊國棟楊成棟楊聯棟堂保元壽謀士戴貴彭道  
內司總管田一鵬田澤許廷忠偽提調馬忠頭目張讓張  
仕傑親族張世爵楊光達楊林田善保田有年田有時田  
有秋楊宗慶楊文楊福楊守爵楊守龍胡雲貴楊紹宗李  
大李二偽內侍雙慶四慶等併擒斬一千五百二十五名  
顆俘獲男婦八百八十二名口全活被虜男婦二百六十  
六名口隨將楊應龍身屍移至萬安關城樓約會三省各

鎮道各贊理監紀等官并集奏民彭廷受周世祿等降民  
羅國明羅國顯安鑾袁鼎等相驗真的鹽屍用棺盛貯解  
赴軍門會驗無異除將楊朝棟楊堪棟田一鵬楊兆龍楊  
從龍楊世龍楊國棟楊成棟楊聯棟戴貴彭道許廷忠馬  
忠張世爵併楊應龍身屍獻俘外是役也安羅三寨不降  
則關外之兵未易進郭通緒不殺則崖門之險未易攻水  
牛塘之戰不力逆酋未必上國三圓山之路不奪後門未  
必可圖不擒酋子猶遺禍根不得酋屍終非完局仰仗本  
院部指授萬全之機略時用不測之恩威使諸將士皆奉  
令以周旋又激勵而思奮故收全捷如此總計永合二路

各哨官兵自二月十二日開刀起至六月初六日止得獲大賊酋一名生擒賊首從二百零一名斬級三千六百四十三顆俘獲賊屬九百七十名口全活被虜男婦三百三十九名口招降賊黨二萬六千七百三十四名口奪獲牛二十三隻器械三百七十六件俱經解發贊理監紀官紀驗轉解紀功道覆勘訖其被虜男婦當卽審明遞解回籍牛馬給賞有功兵士招降人眾隨便安插器械解驗四十一件庫貯三百三十五件此永合二路所紀之功也合行類報聽候核敘通計四路得獲大賊首一名生擒賊首從五百一十五名斬級共一萬零七顆俘獲賊屬二千三百

六十一名口招降男婦五萬一千九百九十一名口全活  
被虜男婦一千六十四名口奪獲牛馬五百七十七匹隻  
器械二千三百一十四件等因又據貴州左監軍按察司  
按察使楊寅秋呈奉臣并貴州撫院憲牌俱同前事查得  
烏江河渡一路沙溪一路先該總兵童元鎮主之職寅秋  
監之副使洪澄源督兵於沙溪參議梅國樓督糧於烏江  
河渡秋以二十七年十一月受事首議兵將作何部署哨  
道作何策應險夷作何偵探器械作何繕治演習先登作  
何激勵糧運作何料量師涉作何預計俱經詳允竭晝夜  
料理去後烏江河渡逼播治七八十里而近又該職秋覆

議必探水西哨抵落濠水探平越哨渡疆界河及川中婁山關畢集方會哨齊驅若獨以一哨嘗敵賊必併力一向前事可鑒俱於十二月具詳三院允示遵行間本年二月舊師後水西把事王嘉猷領防守烏江兵自願三月初三初六等日攻奪烏江關緣猷向與賊辱齒深交既願破關絕好自難膠執前議就經犒賞獎率尋以水漲逗遛愆期壩陽守備陳雲龍同永順兵不依主將令於三月十一日徑奪烏江關斬獲賊級一十九顆永順彭宗卿彭牯牛等於鬼國斬級六顆俘獲四口焚燒關樓附近關邊賊寨燒埽一空看係孤懸恐難屯劄星飛督催鎮雄府土舍隴澄



把事王嘉猷兵馳赴雞家寨出刀靶水催安疆臣兵馳赴  
昌田驛出落濛水犄角策應十二日就該統兵遊擊謝崇  
爵雲南坐營中軍張澍督領雲南祿州等土兵標募兵都  
司遊擊張秉忠督領泗城土知州岑紹勳等兵各乘勢渡  
江攻克河渡關前後擒斬首從姦細共斬級一百五十七  
顆生擒二十六名俘獲五名口賊知我兵各路未進於十  
五十七日併力前來衝突兩關不守官兵損折立檄隴澄  
躡蹤邀賊河渡歸路如道里迂迴乘虛直搗賊巢據報救  
河渡必三日抵播境只二日與其攻外而遠不若攻內而  
近等情賊見隴澄深入當日奔回隨據隴澄揭稱該標下

中軍劉岳督本府領把事王嘉猷於三月十三四等日攻破苦竹關平嶺關共殺賊斬首八十九名投降二百五十三名十六日自刀靶水移營賊兵截路追過新站前後殺賊四百七十六名苗頭阿曲等五名據報夷俗原不斬級實止解苗頭五顆餘功未委虛的又該畢節督兵副使洪澄源統兵參將朱鶴齡督宣慰使安疆臣領目把陳恩張崑頭目柯阿箇阿五等於三月十三日分兵進取首克新關從間道破傳頭石壁一帶關隘打破大紅關胡石口黑水關十五日攻破板山園前後共斬殺射死苗賊二百七十六名亦稱夷俗原不斬級未見功報招撫國民男婦六

百房計一千四百三十五名口十八日目把陳恩等調撥以白魏良海等督兵於清塘水等路堵截應龍歸路生擒張受等一十九名十九日夜賊兵前來劫營生擒彭四等六名本日各目分兵三哨攻破落濛關會劄大水田將桃溪衝違禁房屋燒燬二十三日督同義官李武楊澄清等生擒賊陳元等八名據報前後殺賊三百八十六名未見斬級功報實解生擒苗賊楊四元都哥張受彭四等一十七名又准畢節道移解生擒陳元等八名千戶王三錫王有聲李武等斬級五顆轉解驗明訖又據隴澄揭報師次大水田發兵攻打長箐賊拒敵殺死督兵把總陳啟禮并

隨軍十餘命當各兵奮勇追殺賊七十餘名賊首楊豹阿  
寡等五名將賊首首級五顆具解軍門委驗訖三月二十  
六日播賊應龍差小童吳比金萬富齎送書儀犀二隻金  
銀臺盞二副折程二十兩衣著段二端赴營投見當拆來  
書驗係楊應龍妻田氏餽送禮單當將來差斬示營門餽  
送儀物同禮單齎解乞賜驗明貯庫等情及將生擒探聽  
賊犯羅才羅慶并解前來審出前情無異又據安疆臣報  
稱三月二十九日逆賊楊應龍父子因見鎮雄斬其來使  
首其餽儀親領苗兵七萬分作五路前來迎敵該水西鎮  
雄合兵自本日卯時至申時鏖戰斬殺賊首僞提調頭目

五十餘人內有僞內官五人各路共殺賊兵萬餘屍橫遍野前五十人內有一人全身絹段金銀器械查係賊子惟棟待查的又報外我兵損折百十餘名重傷三百餘名輕傷五百餘名就據土官溫希舜當陣擒獲馬兵何老吐供相同隨往畢節道洪副使移解拒敵當先騎馬出陣斬賊首級一百零一顆生擒者亞一名轉解軍門行委三司會同委官知州龍時躍王應昌辨驗訖又據安疆臣報稱逆賊心腹提調尙義黃繼枝管押板山落朔馬寨一帶苗兵三月二十九日二賊親在衝鋒逆酋巨細事機皆其內參外贊先奉院道密諭遵承間就該本道用間謀計令二賊

來營商議退兵逆賊果信隨差二賊同坐寨頭目夏文茂等二十四人齎詐降文一角另具禮單開送金銀臺盞二副折段銀八兩鞍馬二副槍刀弩箭等項前來當伏兵河口將二賊并坐寨頭目夏文茂從賊擒拏審實將原詐降文同原禮物移解到道轉解審驗有黃繼枝自盡身故斬級解驗明白賊從逃去三名又據安疆臣龐澄報稱兵劄大水田被賊據守金刀坑圍阻截兵糧四月十一日發兵攻打賊黨力拒我兵奮勇齊登殺死賊首阿富等六名苗賊三十四名餘賊拌死拒捕隨豎招降旗幟該團男婦出圍乞降共約一百二十五房收獲鐵券牌一面同賊級六

顯解驗訖又據安疆臣龍澄報稱四月十三日督兵直抵播州治桃溪口獅子橋各賊奔潰隨將衙宇家廟新川後川等衙違禁房宅闔州賊黨民房悉行燒燬一面於十五日發兵直出奪復烏江老軍關賊兵截伏當令馬軍衝殺賊潰投箐次日黎明到關我兵奮勇奪占前後殺賊一百二十餘名生擒五十九名招降二百六十二房暫於果哈地方安插節次擒賊招降俱該畢節道洪副使朱參將移報相同先是職秋祇奉三院憲檄移行新任都司徐成整擄標募土漢督中軍馮邦濟把總王眞操習火器銃礮手等兵催調廣西龍英歸順等州思明府等兵行委指揮羅

萬善督押前來雲南守備沐槃把總署守備事陳用寶催  
調雲南標募沅廣等兵行委原任守備童龍整擄雲南安  
時秦祿州廣南等兵移行原領兵遊擊都司張秉忠整擄  
泗城等兵移行督糧道梅參議分發糧餉起集運夫駝馬  
分委普安知州龍時躍定番知州王應昌運發養龍河渡  
鱗次輓輸芟芻旣備器械畢集銳氣載揚就經會同童總  
兵督發各新舊土漢官兵於四月二十一日齊劄河渡蒙  
巡按貴州監察宋御史牌申飭將領招納降民以分賊勢  
不得殺降冒功致干天和等因遵行間蒙撫院行委威清  
參政王邦俊前赴河渡督發糧運童總兵將新募銅仁陳



邦揚等原挑選廣西親兵陳大縉等共八百名交發徐都司督童龍部領會哨進剿時賊首僞提調張守欽袁五受阿萬龔堂王廷燿同已獲男王承受等嘯聚長箐萬丈林等處職秋同大甯都司戴守禮量帶家丁馳抵烏江哨出刀靶水狼飛渡直抵播州海龍壩隨據水西把事王嘉猷將前報奪復烏江生擒苗頭阿訥阿利井楊酋妾弟何惟富等四十一名鎮雄把事陳阿宦將奪復烏江生擒苗賊麻老虎阿倫等九名苗頭首級六顆俱經審驗申解訖餘級未解又據安疆臣報稱三月二十二日漢把劉景貴陳阿九等招撫過隴都猴場把事石盡忠等一百零七房同

日漢把羅一龍陳應龍同協捕指揮白璋等招撫過高玻  
箐張王壩苗頭阿滿鄂承爵等六百三十二房又據報四  
月十五日頭目阿卜者遮勒進克海雲圍殺賊一十三名  
招降民二千二百餘房又差目把魏良海胡文魁阿戎等  
領兵進攻泥壩苦竹養雞等圍殺守固苗賊二十四名招  
降民葉善等二千八百餘房井川江客民九百餘房賊龍  
原虜草塘司官民四百二十七房俱安插鄰近地方免亂  
兵殘害等情賊級未見解報隨准童總兵張都司手本報  
據泗城土官岑紹勳報稱奉令攻復河渡關協擣賊固二  
十六日寅時至河渡西岸該本州應襲岑雲漢同督兵指

揮李懋樞督陣官胡邦奇龍英州應襲趙政立思明府等  
目兵併力奮擊當陣斬獲四十三顆招撫過降民梁雲等  
一百二十九名口安插洪邊地方又准徐都司手本報稱  
二十六日督率把總羅寵等招撫過賊黨王雲等一千四  
百三十七名口安插瓮耳大山涼水等地方又准徐都司  
手本報稱五月初二日督把總土同知羅寵楊遇春徐大  
綬等生擒賊首龔堂苗頭謝友貴潘廷貴楊承祖坐寨頭  
目黎民倫董三苗賊尙阿蘭并董三家人等共六名首從  
共十二名首級一顆招撫過賊黨康五元彭一等五百五  
十五名口又准張都司手本報據泗城土官岑紹勳指揮

李懋樑於初十日督兵勦捕長箐生擒僞提調賊首張守  
欽一名從賊一名斬級二十三顆十一日泗城官男岑雲  
漢督兵於清潭攻打峒口生擒賊首袁五受并提調王廷  
耀男王承受從賊八名斬級二十顆招撫殘賊宋榮甘茂  
王積脈等男婦二千四百七十二名口安插雷水長山地  
方又據鎮雄把事李萬年報稱萬年等接護左監軍渡烏  
江進播哨至石子埡賊伏深箐突出拒敵該陳阿宦督兵  
截殺斬獲賊級一十七顆次日護至牽狗峒賊放箭拒殺  
宦等斬獲賊級二顆生擒賊從一名戴都司督家丁生擒  
四名指揮羅萬善斬賊級一顆就於長溪劄營處所解監

軍審驗轉解訖又據安疆臣隴澄報稱官兵屯劄養馬城開口攻打前門鐵柱關大路該司府分撥頭目魁阿等砍伐後囤箐林梯山攀巖探尋小路三十餘里直抵海龍囤後賊見我兵劄近肩背連日出城衝殺我兵合永甯官兵自左槽開路進抵後箐山頂營前二土山係賊樵汲咽喉賊屯勁兵據守蒙右監軍同畢節道懸賞五月初九日四更結束貳職同督陣官劉孟銑王安民羅萬善等乘霧抄賊營後黎明攻擊賊擁眾死戰該頭目覺已等奮死殺賊不計從寅至未方將賊兵衝退占奪二山職兵劄右槽副總兵劄左陣亡阿白等十五名中傷烏鮮等三百餘兵本

月二十四日總兵李應祥接管印務督率烏江河渡等兵  
又蒙雲南撫院行委參將盧承爵督發募兵前來該職寅  
秋督發徐都司帶領烏銃火器手一千五百名童龍帶領  
安時泰陳邦揚等兵一千名泗城龍英等土兵六千五百  
餘名合水西鎮雄營同劄後固節奉憲令各道鎮剋日輪  
攻後固因各路占據已定無處屯劄會營中流言四布該  
職寅秋會同洪副使宣諭水西鎮雄將所刊通奪占右槽  
山坎一帶營盤盡讓官兵屯劄各官目於二十八日自願  
遠嫌移出海龍壩口把截立刻移行川貴劉總兵李總兵  
各先後督所部兵到固六月初四日三省道鎮共議總兵

劉綎李應祥於初五日總兵陳璘吳廣於初六日各照期分打劉李二總兵合哨分左右信地劉總兵攻土城門以左李總兵攻土城門以右該職寅秋會同李總兵右監軍參議張存意副使尤錫類將右路信地分撥三枝以都司徐成督河渡哨守備童龍領廣西把總陳邦揚陳大縉雲南把總陳用實安時泰等兵平越哨副將陳寅等哨下把總劉恩安世禎吳國輔孫之襲等兵奪鳳凰嘴由右嶺進都司張秉忠督平越哨把總華統薛應時等兵由左嶺進領河渡哨泗城龍英等土兵於固右崖壁截殺都司戴守禮督河渡哨把總牙廷相操守指揮馬化麟各銃手家丁

平越哨把總張奇盛吳文秀等兵由中嶺進督行安疆臣隴澄分兵於海龍壩泥固等截賊衝突奔逸先該都司徐成守備童龍會同副將陳寅議得鳳凰嘴峭險賊兵屯據死守必須衝鋒奪占鳳嘴山頂先得地勢方可攻取土城該三道卽發懸賞銀二百兩分給各兵初五日五鼓會同劉總兵各照畫地齊攻賊抵死在於鳳嘴拒敵黎明我兵奮呼一擁衝殺賊兵奔潰退走土城內我兵乘高頂大銃烏銃火箭火磚俯瞰齊發賊立腳不住登時攻倒土城一面拆卸一面打開土城內排柵敵樓賊據月城矢石如雨職寅秋同李總兵立枹鼓對山拔刀麾兵前進退縮者立



斬麇戰至已未緣城樓梯高招先登各兵用肩頂城上先登者手挽魚貫而上河渡哨陳邦揚親斬十三枝冠帶管事藍鳳鳴首級一顆中軍指揮羅萬善親斬何提調男何訓首級一顆當係投降僞內官葉正陽識認賊從首級四十七顆當陣奪獲百子銃一門賊奔崖墜死及銃死不及找級者不計其數將月城拆倒將土城月城樓同劉總兵卽時放火燒燬賊奔入大城死敵自午至申應龍父子親領苗披堅出城衝突三次每次我兵用佛郎機百子銃等項直對城門齊打賊被傷退回天晚兵已疲飢三道再懸犒賞各兵歡躍齊心就於月城劄守舉放號火銃礮道鎮

露坐嚴警賊兵膽落在城叫噉乞降至次日黎明陳吳二  
總兵照依分定日期接攻賊倒戈奔潰如蟻各路兵一齊  
登城擁入內城賊酋楊應龍將臥房發火同愛妾縊死要  
得自焚時五路總兵官齊圍賊衙賊妻田氏男楊以棟妻  
田氏楊良棟妻田氏楊奇棟楊勝棟妻田氏賊女貞惠貞  
瑞貞福楊朝棟妻田氏子松壽春壽女性福賊首何漢良  
田一鵬子六老同僞內官使女一時拏獲五路道鎮將賊  
屍擡至城樓喚伊妻男五司奏民同驗真的俘獲賊親屬  
公同點明收繫城樓宣慰司印田氏攜帶在身驗交陳總  
兵暫行收執續獲賊男楊朝棟楊惟棟俱見在聽解各該

有名賊首除斬級外河渡沙溪生擒賊從弟管九族錢糧  
十二路督軍總管楊兆麟僞提調聶璽彭永壽僞內官張  
元趙天瑞主謀走差探聽向問遣今逃同文之宗卽文章  
連前獲大提調尙意坐寨頭目夏文茂張守欽袁五受龔  
堂等共九名投降僞內官葉正陽馮元宦張元趙天瑞四  
名節該領兵官將擒斬賊首從移解前來審驗轉解兩院  
轉行按察司審驗去後計前後徐都司部領童龍等兵共  
斬獲首從賊級二百七十九顆生擒賊首從七十九名招  
降二千三百三十名口俘獲賊屬二百零三名口張都司  
部領泗城龍英等兵共斬獲首從賊級七百七十六顆生

擒賊首從二十八名招降七百四十名口俘獲賊屬五十  
七名口戴都司部領馬化麟家丁等兵共斬獲首從賊級  
四十二顆生擒四名俘獲賊屬七名口通計河渡烏江一  
路共斬級一千一百四十四顆生擒共一百一十九名招  
降三千七十名口俘獲二百六十七名口又據安疆臣隴  
澄報稱奉令把截海龍壩口初六日惡苗奔突衝出泥壩  
圍等路該職督率目把陳恩王嘉猷柯阿箇等奮勇截殺  
生擒苗賊王貴等一百零七名俘獲苗婦十口初七日賊  
伏箐奔出目把周愷陳恩等生擒苗賊播賊除審放外實  
在六十三名俘獲賊屬四十一名口又據呈報奉左監軍

密諭緝拏原殺綦江房遊擊兇犯馬騰漢及賞格有名播  
黨解報該目把阿石陳德擒獲馬騰漢又目把丁良茂李  
元玉等擒拏賞格有名大提調陳大恩門子王邦紹卽王  
邦兆該本道先後轉解兩院轉發按察司訖又據報稱前  
後招出龍安水提調鍾祿馬院提調朱鶴管獵提調朱鵬  
馬坎坐寨陳大富雖係投降原係有名賊首不敢隱匿又  
招出管事僞內官丁朝元管板山國僞內官劉元管泥壩  
國僞內官葉善元俱原悔罪投降但係淨身男子非土司  
敢用等情先將鍾祿丁朝元劉元葉善元具解前來隨奉  
督撫憲牌行查賊子楊惟棟前報斬級今何擒獲見在隨

據安疆臣呈稱大水田奮勇殺賊萬餘賊首約五十餘名  
內有一名少年裝束迥異軍中有認係賊子惟棟時未敢  
信飛報院道文內待查的又報次日擒獲馬兵何老供少  
年被殺者係賊第四子惟棟押發賊屍枕藉中辨驗據執  
相同方行找級同何老并解院道審供一口後左監軍國  
下招降僞內官葉正陽供報死大水田者的係酋親信門  
子何元保狀貌裝束俱與惟棟一樣時欲檢舉尋因國破  
今何老見監可審原報見案可查抑或天氣炎蒸屍變亦  
係何老誤認並非欺蔽等情通計前後斬關破國除夷俗  
原不割級者無憑查覈外共已解驗賊級一百七十二顆

已解驗生擒賊首從三百五十四名招降八千六百八十六房共三萬餘名口又據畢節道移稱初六日本道隨營督兵指揮徐懋功千戶左堯臣把總許成名等各領隨營親兵於濫泥茅坪把截初六日賊苗衝出各兵奮勇生擒苗賊三十五名內僞長官一名趙鳳儀按出我朝賞功敕命一道賊級二十三顆又據中軍劉岳報稱督率隴澄兵於海龍壩口把截同親兵斬獲二十六顆解赴李總兵移行紀功陳知州就近審驗外通計河渡烏江沙溪共斬級三千三百六十六顆生擒賊首從四百七十三名招降共三萬三千七十名口俘獲二百六十七名口除生擒首級

分別應獻俘應梟示俱審供吐真確斬獲首從賊級俱認  
的實試驗明白招降暫於附近地方安插事定議後俘獲  
變價入官係被虜者查發親屬領回另行冊報看得楊酋  
逆節滔天提封據險不下千里而遙而迫近黔省烏江河  
渡之間八十里而近我一投足卽害地彼一鼓翼卽壓境  
兵分則眾寡不敵不分則咽喉不守不進見爲示怯進則  
苦於寡援方賊之併力一向阨我烏江河渡之師也人疑  
不釋於安兵賴督撫軍門審勢決策震疊鼓舞安其心而  
作其氣遂有大水田之捷首摧賊鋒方兩關之卽克不守  
也人謂解嚴之後不復鼓行而西矣賴督撫軍門徵兵厲



甲獎率新舊之兵決命賈勇敢渡險關猶能執訊獲醜從  
諸路深入賊阻方水西安兵之遠嫌拔營移劄也人謂安  
兵解而河渡之孤壘不得圍陳合圍電擊矣賴督撫軍門  
焦勞主持以威信制夷命以輪攻申軍令以懸賞勵士心  
六月初五日黔兵得合川東綦南哨齊驅先登一鼓而奪  
鳳凰嘴再鼓而克土城月城質明賊不戰倒戈遂平兇逆  
救萬靈之塗炭拓千里之封疆繫繇天授夫豈人謀等因  
又據貴州右監軍布政司右參議張存意呈稱平越哨未  
奉師期之先適遭東坡劫殺之慘興隆偏橋平清之間官  
道不通者三月該本道會同帶管守巡道尤副使遵軍門

密令集兵大勦埽蕩黃飄臺蠟平崖等寨火其居掘其穴  
斬獲雖無多級奔遁殆靡遺種軍民稍稍樂業道路漸漸  
肅清僉謂此一舉也當爲黔中首功則參將劉效節調度  
於城中守備伍萬鍾汪如淵土官蒙詔把總張鶴翀各率  
所部官兵鼓舞於當陣而先鋒衝敵所向無前在水西把  
目王嘉猷張崑領糴兵一千名至今未蒙敘錄及奉部院  
撫院明文分布一路由興隆黃平直埽白泥草塘等處一  
路由平越牛場乾溪乾坪直埽四牌等處自二月十二日  
起至本月終止我兵漸進賊亦漸退搜山擒斬俱屬零星  
驗明冊載外首記其發軔開鋒之勞則三月初二等日副

總兵陳寅統領土官蒙詔土舍莫勞中軍官孫仲謨督陣  
官楊守乾李繼晟家丁陳定等有漩水固之克爲事官蔡  
兆吉統領土舍楊治隆土官張元虎把總猶鶴安生等有  
天邦固之克原任守備伍萬鍾統領把總呂守現李正中  
阿亮等繼以百戶李師沆中軍官張奇盛率領把總華統  
吳文秀宋世臣汪世才等前後夾攻有三百落固之克通  
共斬獲賊級二百一十五顆俘獲賊屬一十七名口賊仗  
器械五十三件而都清守備汪如淵劄兵清池令把總張  
鶴翀許攀龍等帶兵接山口直抵四牌草塘松坪招出番民  
楊世祿等攜家二十九名口出降令充鄉導報效以

於三月初六等日呈報訖次述其乘勝長驅之績則三月初七等日副總兵陳寅統率土官蒙詔舍把莫勞家丁陳定同守備汪如淵等漢土官兵拒賊於四牌高國之下坐營守備柳國柱中軍張奇盛統率把總吳文秀百戶李師沆等兵由後路把總華統宋世臣朱運昌千戶張翀等兵由前路與陳寅部兵策應偷攻於四牌高國之上爲事官蔡兆吉統率土舍楊治隆土官張元虎張蘭把總猶鶴楊通霑安宇戎茂才同督陣官馮伏繼以守備伍萬鍾統率土官楊燧把總呂守現呂廷祿葉逢春等由小路攀崖放銃直埽龍水國之穴通共斬獲賊級一百六十二顆并賊

仗八十三件而蔡兆吉復令把總猶鶴等督兵於十二日  
黎明抵箐岡圍攻打共獲賊級二百二十三顆生擒謝王  
保等二十六名俘獲賊屬男女七十八名口奪獲器械二  
百三十一件被虜男婦六口以上俱於三月十七等日呈  
報訖至是而軍聲已大振矣所限者長河一帶之水耳深  
潭斗岸賊眾堅拒非船筏不得渡非火器不能抵時則李  
總兵親督中軍張奇盛百戶李師沆沿河駕三眼百子鳥  
銃對岸放打責令造船指揮邵元爵協造土舍金世忠并  
差指揮周宗堯曹選星夜刻期催到船隻繩纜分發各渡  
頭於是副總兵陳寅先令中軍孫仲謨土舍楊治隆等黑

夜引南丹等兵偷渡構皮灘潛伏山後以爲策應乃親領把總家丁陳定等由袁家渡守備伍萬鍾汪如淵領千戶李朝陽把總張希軫杜廷武汪世才督陣官高連等兵由疆界河爲事官蔡兆吉領把總猶鶴等兵由吳歪孫家二渡各浮水搭橋奮勇登岸首尾屯剗通共斬獲賊級二百二十九顆俘獲賊屬一百二十三名奪獲賊仗九十二件諸葛銅鼓二面奪回被虜男婦一十七名口此皆三月二十一日以前事而長江不守乞降者頗多該本道會同李總兵揭旗招撫戒勿妄殺惟時爲事官蔡兆吉先納巨賊李得祿等獻船二隻以爲先聲而男婦六百八十二名口

降守備伍萬鍾責差把總薛應時等嚴禁需索而男婦九百零六名口降守備汪如淵招致地里壩李彪等宣諭恩信而男婦二百三十六名口降其餘牛馬器械家夥等物不計悉陸續發內地安插此收拾江外之大槩也至是而賊膽已半寒矣所恃者黃灘千仞之關耳層崖壁立賊眾死據非鄉導不能入非掩襲不能取時則李總兵傳令副總兵陳寅中軍孫仲謨等揭示免死令票并報效賞格招出虜民蕭仁德唐榮智等計擒白泥土官楊正邊楊通漢父子并其妻子三百餘名口及本國男婦共九百一十三名口於是副總兵陳寅統率百戶李師沆中軍官張奇盛

兵部咨送軍門指揮李世培把總張希軫杜廷武張世敬  
易之謙土官楊燧監軍督兵二道督陣指揮周宗堯曹選  
何鼎臣張體仁千戶張翀陳志道把總劉朝臣劉承胄李  
邦舉彭夢龍等攻其關之前用新降石勝俸王志龍王志  
虎王賓王倫尙習中及播民王其質從墳林暗渡襲其關  
之後生擒首惡王大安王愛追至張王壩盡埽其關之左  
右羽翼收兵堅壁立營固守通共斬獲賊級八百五十六  
名顆奪獲賊屬牛馬被虜男婦器械不計此四月十二日  
以前事而險關旣潰乞降者益眾該本道會准李總兵委  
官宣令坐寨安撫惟時爲事官蔡兆吉以招到夷民邱伯



芝徐受等一百八十名報降頭石勝俸以撫過虜民老鷹  
國萬餘名報其餘牛馬器械家夥等物不計陸續半發內  
地半仍本地安插此收拾江內之大槩也嗣是江外關內  
之險旣失而賊勢已弱三省七路之師并進而賊計益窮  
惟有脇叛苗攜妻子退據海龍國而已彼其數年精力用  
之一國前後重關左右深谷將自謂負嵎之虎莫可誰何  
而督撫嚴觀望之誅官軍矢必克之志以五月五日擣巢  
六月六日滅賊惟時攻守後關則副總兵陳寅守備伍萬  
鍾督同紅旗官楊守乾中軍張奇盛指揮李世培加級指  
揮張世敬把總張鶴翀吳文秀朱世臣李茂春陳汝柏等

預備攻具勉竭攻力而都司徐成戴守禮遊擊張秉忠則  
又臨時鼓勇驅卒我軍先登者也攻打前關國副總兵陳  
寅都司莊志傳守備伍萬鍾統率指揮徐登階把總張希  
軫爲首杜廷武呂守現呂廷祿金世隆劉朝臣劉承胄等  
爲從直上層樓縱火燒燬而爲事官蔡兆吉守備汪如淵  
千百戶李師沆李朝陽陳志道段必明王民皞督率把總  
徐用賓孫應祥王朝朱朝岳楊正行李邦舉等則又把截  
要路立禦賊黨衝突者也計國前後斬獲賊級一千一百  
一十顆生擒首賊楊兆麟阿萬井收獲昌田驛驛印一顆  
長官敕命一道俘獲賊屬三百二十六名口賊益窘急舉

火自焚縊死牖下火未及身而完屍已爲我兵所獲并收其妻子家屬驗明押解則在事將領官兵人人畢力用命而大功於是乎告竣矣自出師之日起至破國之日止前後通共斬獲賊級三千五百八十四顆生擒首從賊七十五名招降播民共一萬八千五百四十五名口俘獲賊屬五百九十八名口奪獲賊仗兇器一千一百二十四件又查得思石一哨以龍泉爲咽喉以楚蜀爲犄角方三省之兵馬未集孤城之防守不支逆賊之窺伺更劇其勢誠岌岌乎殆矣自首惡趙仕登爲曾文學梁廷祿等所誅而義聲稍振則都司錢中選之密謀也自土官安民志以身與妻

子死賊而軍威復挫則守備楊惟中之溺職也迨夫王師  
分布之後各有零星擒斬之蹟俱經冊載外紀其大者三  
月十五日該指揮胡效忠蔣崇賢率千把總劉廷俸唐顯  
威李佑哨長會朝舉等攻打革羅水青龍黃沙固斬級一  
十六顆生擒二名十六日該指揮蔣崇賢率千把總楊廷  
耀李明龍許從龍梁廷祿李廷機黎廷官百戶薛瑞等攻  
打餘溪莊斬級三十三顆擒獲從賊一名此則我兵發軔  
宣威之一奇也而其餘伏路接獲零功亦附焉三月十八  
日該把總李冠李君寶陳效忠等率兵打盤腳固斬級二  
十顆奪同婦女三口十九日千把總周世祿戴天球李君

寶率兵打保子固斬級二十八顆此則我兵長驅漸進之一奇也而其餘伏路接獲零功不與焉四月初十日該守備徐允爵部下把總陳光大操高第王嘉彥等率兵打真武國羅家坪等處斬級八顆生擒一名此則我兵乘勝深入之一奇也而其餘伏路接獲零功亦附焉自是爲直搗關內與楚兵合爲一哨矣時惟四月十一十二十三等日攻打趙生長坎等國斬獲首級共四百八十三顆則楚將指揮徐時達劉自西黔將蔣崇賢中軍官葉定遠領兵千戶把總張夢麟黃明儒周世祿楊騰龍李佑薛瑞朱盡臣李廷芳許從龍陸希管田應瑚梁廷祿等之功居多而同

日指揮胡效忠把總楊昌運等攻羅安水斬級八顆十四  
日指揮蔣崇賢把總李佑李廷芳等攻青蛇囤後山斬級  
二十五顆以及十五十六日把總陸希管於青蛇囤後山  
斬級三顆其功雖微亦有足述者也四月十八十九二十  
二十二等日攻打青山囤五鳳莊小三渡關欄牛坎野苗  
囤并青山囤後等巢七起擒斬首級一百四十五顆則指  
揮胡效忠蔣崇賢中軍葉定遠千把總張夢麟李佑薛瑞  
楊昌李廷芳葉占先王國臣宋受隆越其進等之功居多  
而二十四日守備徐允爵把總冉維鎮等克懸崖等處斬  
級四十八顆二十五日把總王和民等擒斬首級四名顆

二十六日中軍葉定遠等復攻牛坎鴿子岔擒斬首級一十一顆二十七日守備徐允爵把總田建邦操高第等復攻五鳳羅安水等巢斬級五十八顆五月初一日指揮劉自西把總丁慶等攻青水橋賊巢擒斬功級一十五顆指揮胡效忠遣兵出哨生擒二名指揮蔣崇賢遣兵出哨斬級二顆亦應併錄者也自是而直擣白田壩與三省七路合爲一固矣六月初五日該指揮蔣崇賢張拱極統率各兵於海龍固後截殺斬級三十二顆而千把總薛瑞李佑楊廷耀朱盡臣越其進王嘉言王國賓以及武生錢之禎錢之祺韓希奇越崇功等亦均效勤勞者也六月初六日

守備徐允爵指揮徐時達蔣崇賢劉白西覃宗伊張拱極  
督兵齊進海龍圍上截殺擒斬功級一百七十四名顆而  
千把總薛瑞朱盡臣許從龍李廷芳越其進王嘉言黃明  
儒楊騰龍以及千百戶應襲胡來觀鄧民悅武生越崇功  
等亦再效勤勞者也至於大兵齊入賊宅共獲元兇尸首  
并收其妻子家屬驗解則本哨將領官兵咸在而最後初  
八日中軍葉定遠復於圍後深箐斬級十顆例得併錄於  
冊以上思石哨除楚兵楚將擒斬功次聽楚中監軍督兵  
道查敘外所有黔中兵將總計斬獲首從賊級通共九百  
一十三顆生擒三十七名俘獲賊屬三百名口招撫出播



民一萬零三百二十九名口奪獲賊仗兇器三百二十三件等因又據湖廣布按二司左右監軍二道按察使胡桂芳右參議魏養蒙會呈先奉臣憲牌內開楚兵一路偏橋分爲兩翼一由白泥總兵陳璘爲主將而以遊擊江騰龍都司于繼勳吳時喬守備王之棟朱桂芳邊上將土官宣慰彭養正等隸之參政詹啟東督兵糧副使王應霖司紀功而以同知張羽鴻等佐之一由龍泉副總兵陳良珙爲主將聽陳璘節制而以參將王一桂都司錢中選守備徐允爵土官宣撫覃宜覃玉鑑安撫田大豐等隸之副使陳與相督兵糧副使路雲龍司紀功而以推官吳天祐知縣

鄧宏烈等佐之此路兵監以按察使胡桂芳參議魏養蒙等因又奉巡撫湖廣支都御史憲牌亦同前事奉此隨該二道查得白泥一路軍前監紀理餉需人頗多會議詳委府佐縣正與州佐等官分董其事則以辰州府推官王應宣常德府推官陳長進會同縣知縣陳原道承天府檢校余德涵沔陽州判官王廷相沅州學正袁惟慶原任辰州府學教授謝師啟司監紀辰州府通判黃升高周以敬辰溪縣知縣張守緒武昌府同知卞孔時德安府通判蔡思順常德府通判陳桂芳荊州府通判楊堯仁沅江縣知縣潘思誥司糧運龍泉一路則思州府推官吳天祐成都府

雙流縣知縣鄧宏烈司監紀思南府知府陰鎔石阡府知府江至道思南府同知張羽鴻銅仁府署印推官袁旦思州府署印推官趙民悅銅仁縣署印知縣陳廷範印江縣知縣張鎔婺川縣知縣葛楚元司糧餉兩路將吏部署具定又該二道訪得偏橋出門白泥便是賊境且聞播賊厚幣勾結九股諸苗若不先爲招諭不免腹背受敵於是會同總兵陳璘牌差熟知夷情名色把總張應朝兼同鎮遠撫苗官羅應禎入巢撫出苗頭汪外望稍等一百零三名至偏橋引見諭以禍福各苗叩首請死再三諭令有能改過許其自新各苗唯唯聽命隨用牛酒花紅銀牌通行犒

賞各發同巢仍通行申令大小將士照依題奉欽依明文如賊中有能俯心歸順准與宥原於陣前置立受降大旗有棄戈來降者免死安插敢有妄殺定行抵死復多差的當員役兼同鄉導齎置招降木牌數千前去旁招廣諭以分其羽翼又行取行都司僉書于繼勳馳至偏橋防守城池仍備策應隨於二月十二日發哨維時土兵催調未集先期一日該右參議魏養蒙會同總兵陳璘召到見在諸兵并各將領親詣教場誓師賞兵酌量分布是日總兵陳璘徑於偏橋起程統率陳策吳時喬王之棟陳九經等向白泥陳良珙錢中選楊惟中等向龍泉婺川各進發十三

日偏橋軍至白塘生擒播賊吳阿保稱爲楊應龍差來探湖廣兵馬今楊朝棟帶兵二萬餘架搭浮橋過江劄營卽晚可至白泥接槍等情該鎮卽下令各官兵接山而前十五日早自老杜屯分兵三枝內以一枝爲正兵餘爲奇兵分左右翼擬抄出烏江以躡賊後行不十里爲黃溪寨前哨官兵何棟等卽遇賊交鋒生擒苗賊王松等五名斬級二顆俘獲賊屬八口餘賊披靡遁去傳令左右二哨協力跟剿申刻直抵白泥賊已棄巢潛遁隨督遊擊陳策等督兵追躡會天色將暮山箐深阻恐防有伏掌號收兵於本山接剿把總吳應龍部兵斬級七顆奪獲弩刀二件把總

李元敬部兵斬賊級六顆奪獲賊槍二枝把總朱萬乾部  
兵斬賊級五顆奪獲弩一把把總吳嘉隆部下生擒賊徒  
六名斬級一顆奪獲槍弩長刀各一件土千戶張金把總  
張文爵部兵斬賊級三顆俘獲賊屬六名口奪獲刀弩共  
三件賊奔龍溪山與四牌賊合力欲行拒敵該把總張鵬  
舉督同鄉導楊以敬等招出勾刀堰甘溪寨官莊寨磨落  
寨新寨苗桐寨共六寨苗頭陳五等六十三名又該把總  
吳應龍戴宗茂督兵陳福等按至陽橋山得獲羅再鑾等  
十八名口稱係偏橋衛羅家屯軍餘上年被賊劫掠入山  
當喚該衛指揮許繼祖審認是的該鎮慮山中藏匿尙多

復差張鵬舉哨官嚴韜前去又招出羅廷合等男婦八十五名口李叔生等九十名口土官楊鯨招下清河寨苗民安壩阿唾等一百一十七名口名色把總馮四招下二關三關苗民吳老孫等男婦七十八名口土官楊鯨又招下石橋寨苗民阿元等七十一名口鄉導李文龍等招下苗民抹明珊等四十一家計二百五十八名口偏橋衛總旗廖仕登目把阿甌招下苗民阿短等一十五家計三十八名口指揮許繼祖招下白塘楓香等屯軍餘苗民鄧尙連等共二百七十四家計一千零八名口審發安插二月十七日奉本部院憲票差官鄭其嚴臣史會王倫臨營督陣

二道卽移行總兵陳璘申令諸將益加戒嚴二十七日申時進至龍溪山林木蒼翳四牌在望哨報有伏卽令遊擊陳策都司吳時喬原任把總白元潔守備王之棟陳九經保靖土舍彭象崑等統兵銜枚疾趨頃之伏賊四起迎敵我兵將火箭諸銃亂發眾賊奔高據險矢石雨下總兵陳璘身先迎戰有土營隊長謝漢月臨戰先退卽斬以殉諸軍股慄吳應龍等奮勇衝鋒挨牌而上土兵把總吳嘉隆等繼進賊遂大潰該鎮標下官丁井廣兵當陣斬級二十九顆土兵吳嘉隆部斬八顆彭象崑部斬二十四顆遊擊陳策部斬七顆都司吳時喬部斬六顆把總白元潔部斬



五顆守備王之棟部斬五顆陳九經部斬五顆餘賊退走  
四牌保兒國陣傷哨官一名兵三名奪獲賊仗二十七件  
次早給發土兵把總田種蘭向日葵領兵前追又發廣土  
官兵隨後合哨行至近國賊伏中起將田向二兵包圍三  
重總兵陳璘卽發衝鋒銀一百兩交付遊擊陳策齎帶陣  
前懸賞廣兵把總吳應龍等直衝賊陣內打外攻一時賊  
馬爲銃礮所驚俱各傷跌各兵向前斬殺數賊披靡奔據  
固頂會天晚相對屯剝層崖連嶂不能包截入夜賊從山  
後潛遁箐深路黑難以尾追黎明發兵四路跟踪追及元  
家渡河邊各賊窮蹙轉槍接戰我兵向前衝殺各賊對敵

不過從浮橋上逃去浮橋不能多渡卽泗水而遁又慮我兵躡後須臾將橋纜砍斷以致泗水負傷溺死者無數是日收兵各哨共擒斬賊徒賊級驗實一百一十四名顆俘獲賊屬八十四名口奪獲沙水牛一百零一頭賊仗六十四件陣亡兵四名被傷官兵三十一名生擒賊細作張恩生田廣內張恩生係楊朝棟差來打探軍情據稱楊酋守海龍固遣子朝棟統兵三萬要出攻打偏橋鎮遠沅州回打石阡就在四川轉固堅守今見兵至姑退過江待齊等情總兵陳璘傳令諸軍乘銳渡江取次攻剿因相度沿江兩崖陡絕惟崖門之下一線差平隨剝木爲舟引繩橫貫

江面造浮橋一渡將告完間奉本部院牌開該鎮獨破四牌惡苗嘉其首功勳懸賞銀三百兩獎賞該鎮官兵忽報乾溪平壩深箐之內藏有賊徒隨發遊擊等官陳策吳時喬白元潔等部領官兵督同永順宣慰彭元錦目兵於三月初五夜銜枚疾趨刻定初六早剿殺黎明賊據高坡瞭見兵入卽欲起奔遊擊陳策當卽發號統兵追前各賊迎戰兩合我兵奮勇衝鋒賊始潰敗當陣斬獲賊級驗實五十八顆奪獲賊仗十件沙水牛三十二頭俘獲賊屬二十二名口陣亡土兵二名被傷土兵七名餘賊潛遁深箐當卽收兵回五里隘屯住分遣塘報四往各山糾探前賊實

糾四牌餘賊爲援殺敗之後盡逃過江隨即督完前造浮橋於三月十九日渡江生擒一賊李二供報楊應龍大發金錢每賊給與二兩使張祐何漢良謝朝俸石勝俸統黑老虎軍萬餘見劄七牌野豬山伺官兵渡江卽來邀擊等情時已酉刻該鎮卽傳令各偏裨整備鎗礮火器兵分兩路連夜疾趨二十早黎明行至苦棟坪將近野豬山道狹且險前鋒守備陳九經把總劉一清忽與賊遇一面放火器與賊交鋒一面傳報後軍遊擊陳策都司吳時喬等各統兵衝前力戰賊勢大敗當陣擒斬賊級二百一十七名顆俘獲賊屬一百一十七名口賊仗三十二件各賊抵敵

不過棄戈奔命逃入深箐去訖是日收兵回還餘慶老營  
少休適永順宣慰彭元錦探得苦菜關屯有賊兵三千餘  
眾意在合黨總兵陳璘卽督遊擊江騰龍陳策都司吳時  
喬守備陳九經等各統部兵前去會合彭元錦夾攻於二  
十一日早一齊至關賊將關口堵閉盤據關內亂放矢石  
與我兵接戰逾時賊爲銃礮所傷始漸退去彭元錦率眾  
先登身被四矢於是各兵齊進打開關門突入各賊蜂擁  
迎敵自己至申賊眾始敗奔向深箐逃遁彭元錦部兵當  
陣斬獲賊級一百九十七顆江騰龍陳策吳時喬陳九經  
等部下共擒斬一百三十一名顆俘獲賊屬一百五十二

名口賊仗二十七件投崖死者無算陣亡士兵二名殺傷及矢石所傷二十二名二十四等日又據把總周思贊張金防守龍溪地方督兵搜山共斬級三顆時報黔兵於烏江河渡失利賊中姦細倡言楊應龍親統老虎軍十萬專力攻楚一時將領莫不疑懼以退守爲請二道恐訛言惑亂軍心當移會總兵陳璘榜諭官兵奮勇討賊有進無退但有訛言惑眾者以軍法處斬於是羣心稍定四月十八日奉巡撫偏沅江都御史憲牌照得本院奉命巡撫偏沅征勦播酋業已兼程抵任訖但彼酋近日動靜情形尙無的報軍機重務難以料理相應偵探以便經畫備牌仰道

嚴督該管將領差人遠去哨探第凡逆酋一應緩急的確消息具揭馬上飛報本院以憑調度施行奉此依奉移行總兵陳璘嚴督將領偵探賊情相機進剿隨據鄉導朱明祥鍾明顯把總吳嘉隆等共招引張四蔡向陽等一千三百五十七名赴道鎮投見審實給發旗號免死隨便安插野豬山餘賊退併青蛇長坎瑪瑙保子四國合力拒敵三月二十六日總兵陳璘進營枹木橋使白元潔統兵前去湄潭覘賊動靜揭稱四國絕險而青蛇尤險相傳曾經六征弗克元潔領兵不滿一千賊見兵寡發三四千賊徒下國過河元潔督兵奮勇距河迎敵將火箭銃礮齊發賊眾

難當我兵乘勝過河追至長坎圍下銃死穿紅旗賊二人  
餘賊不計其數賊將身屍鉤搭馬上走訖當陣斬獲賊級  
二十二顆各賊遁回圍上自固隨調龍泉路爲事官楊惟  
中帶兵前來協哨四月初八日總兵陳璘馳至湄潭午時  
發兵哨伏會天雨大作探得四圍左通三渡右聯板角相  
距甚邇彼此可援若同日併攻則兵力忌分若止攻一圍  
則三圍相助再三審度遂令副總兵陳良珌都司錢中選  
督兵指揮劉之屏梁廷祿等兵在荆條流河渡取道至圍  
後路又令參將王一桂謹守板角關以防賊逸初十早召  
集大小將領授以方略懸以重賞分別奇正布置已定督



令找搭浮橋本日申時先遣楊惟中白元潔陳九經各選帶精兵於深夜竊至固腳埋伏十一日卯時該鎮親督遊擊江騰龍陳策都司吳時喬各統兵并續到守備李大諫帶領家丁鼓譟而進各賊下固迎敵連戰數合當有把總戴宗茂朱萬乾冒死衝前各斬一賊卽時各賞銀牌十兩餘兵奮發四面敵殺各賊奔潰當陣斬級三十九顆餘賊退據高固滾木插石弩箭如雨天晚收兵一更時分復發陳九經白元潔等領兵仍去埋伏又發兵一枝堵截青蛇固口十二早總兵陳璘復躬督諸兵奮力齊擊各賊仍前拒敵自己至未大戰三合木石如雷我兵用竹木牌簷抵

敵多被打碎有把總吳應龍李元敬吳嘉隆等官兵奮不顧身向前將百子發煩鳥銃火箭亂發打死各賊墜跌深崖而死者不計賊始大敗三國連破當陣斬級五百一十四顆俘獲賊屬四百名口賊仗七十五件牛五十五頭餘賊遁向深箐潛走獨有青蛇固四面斗絕無路可通其險更甚但三國旣破青蛇固之賊益覺孤危時奉偏沅撫院差守備劉允康張懋傑前來督陣總兵陳璘力會各偏裨購取死士并鄉導於十三日一更時分密導守備陳九經白元潔把總吳應龍朱萬乾李元敬等從瑪瑙後山披荆覓徑附葛攀崖竊至青蛇固後又令陳策楊惟中李大諫

督把總葉占春等領兵一枝從國前江騰龍督把總周思  
瑾等兵并永順目兵從國左都司吳時喬督把總向日葵  
等并保靖目兵從國右列陣圍劄俟國後奇兵舉礮一齊  
夾擊十四日午時後路兵到隨放銃吶喊前路官兵銃礮  
齊發各賊倉惶迎戰斬死數多陳九經白元潔吳應龍等  
將火磚火毬拋入圍內延燒茅屋賊救不暇退入國內申  
時兵臨圍下火銃勁弩射死無數賊斬木柵搗石傷我官  
兵陣亡清浪衛名色把總胡世華哨官申應魁被傷兵數  
十人各兵奮勇用挨牌竹筴抵當直薄圍上排柵之下斬  
去二層會天色已暮分兵周圍劄守二更時分賊向後路

衝出欲遁被伏兵起殺急退回固十五日自辰至午連戰  
十陣陳九經白元潔李元敬遍身皆被賊矢緣衣甲堅厚  
未傷各兵奮勇衝前須臾斬賊級二百二十三顆各賊喪  
氣固守我兵復用百子發煩等銃火箭火磚噴筒等器攻  
破固後賊始大敗陳九經白元潔冒刃先登前路遊擊陳  
策江騰龍都司吳時喬等永順舍把彭宗惠彭勉忠張良  
弼保靖土舍彭象崑及守備李大諫各督兵由前路斬入  
彼此夾擊當陣斬級一千零五十九顆各賊奔潰藏躲林  
箐被各官兵搜剿斬級八百一十八顆內驗出大賊首尙  
守忠張雲鰲首級二顆俘獲賊屬六百六十八名口賊仗

七十九件投崖墜死者無算巢壘盡空十六日午後收兵  
整搦將進三渡關防守把隘把總張鵬舉土巡檢陸炳土  
官安養極等呈解按山斬級一十八顆遊守陳策陳九經  
報效生員唐顯縉撫出甸金壩臘水茅坎等處苗民鄭廷  
興杜華等男婦六百八十名口把總曹仁佐歐陽坤周思  
賢鄉導陳思學等撫出羅卜汝楊顯廣苦竹壩屯黃等屯  
苗民屯軍田任舟等男婦一千七百七十七名口俱經審  
實安插總兵陳璘探得大小三渡關俱結石爲閘架木爲  
樓兩山峭壁險阻難伏該鎮躬督白元潔陳九經帶把總  
吳應龍等兵自中路進攻大三渡遊擊陳策督把總葉占

春田種蘭李佩兵由關左進都司吳時喬督把總秦嘗向日葵井爲事官楊惟中督把總李君寶陳效忠陳嘉禮等兵由關右進其小三渡則遊擊江騰龍督把總周思瑾薛維爵由中路進守備李大諫督把總王可大馮碧等兵由關左進守備王之棟督把總宋守忠兵由關右進定分信地重懸選鋒銀兩下令於二十三夜三更時分銜枚前進次早寅時各到關前舉礮吶喊當有大三渡一賊騎坐黑馬頭頂紅盔身披鎖子銅甲統老虎軍突出迎戰我兵奮勇大發銃礮火器打死數十賊卽退回據關斬放石棚自卯至巳兵不能進陳策於關左覓一小徑攀藤而上各兵

躡尾而登賊弩亂發策身被數矢家丁陳勝奮前斬獲賊  
級二顆都司吳時喬爲事官楊惟中俄從右山督兵緣崖  
前進兩軍夾擊賊力遂分總兵陳璘分督白元潔陳九經  
領兵中路擁進賊三面受敵我兵斬柵賊遂敗走當卽乘  
勝追至第三重關賊勢窮迫退入第四重關因兩翼官兵  
未到賊復搗石拒敵大戰數合我兵競用挨牌蔽其矢石  
直薄關下斬去排柵殺入第五重關各兵奮前將噴筒火  
箭西瓜等礮向賊攻打賊始大敗當陣斬級四百四十五  
顆俘獲賊屬四十名口賊仗十四件方登高屯兵遊擊江  
騰龍報至是日寅時攻打小三渡關關口僅圍三尺簇簇

櫛比難以前進隨取茅草填墊又令守備李大諫帶兵由左山取道王之棟帶兵由右山小徑進兩面夾攻江騰龍督把總周思瑾等兵自關前正路併力齊擊賊應接不暇攻破關門斬獲首級三十五顆餘賊披靡退據一壘分兵包圍用火延燒賊乃衝出接戰我兵又斬級一百六十四顆其餘潛遁又據永順保靖土舍彭象崑舍把彭宗惠張良弼把總張鵬舉曹仁佐土官羅承恩等防守把隘督兵按山斬獲賊級三百九十二顆就該守備陳九經督同鄉導把總陳紀哨官楊華與五司把總劉一清土官楊鯨等招下青蛇等固木村鐵絲壩等處苗民大小男婦四千零



六名口開報前來審發該地方安插各官兵乘勝直向海龍國五月初六日總兵陳璘躬董官兵直薄固左劄營協同川貴各兵相機攻打十二日楊賊突出飛虎關迎敵承順司土兵衝前斬獲賊級四顆爲事官楊惟中守備陳九經等各兵自水坑邊直上斬級七顆賊奔回固十三日復發兵進攻楊賊率黨出巢拒戰藥矢如雨傷我官兵當有楊惟中井接管廣右營把總戴宗茂奮勇向前齊發銃礮各賊怯退我兵赶前斬獲賊級六顆陣亡兵一名二十二夜二更時分各賊潛出來衝陳九經營壘本官督兵戰至四鼓把總劉一清奮勇帶兵血戰衝殺斬獲賊級四顆餘

賊奔回遊擊陳策守備王之棟聞警督兵往援遊擊所部把總葉占春斬級一顆王之棟兵斬級五顆二十三夜爲事官楊惟中劄守河溪賊是夜竊出偷營督兵截殺斬級三顆二十五夜賊復來偷營都司吳時喬督把總向日葵斬級一顆二十六日白元潔伏塘目兵又於國下箐林斬獲賊級二顆俘獲婦女幼男各三口時三省官兵攻圍踰月卒難破取看得國後稍平勢有可圖二道與總兵陳璘計議於國左豎立排柵圍至國後鱗布櫛比以防夜衝賊又在敵樓亂放藥弩拒我官兵總兵陳璘因置鐵牌一百餘面步步挨前逼近賊國相離丈許我兵得地賊之弩箭

不能放射我兵遇夜放箠板於柵外賊人夜出偷營每爲釘傷我兵又將火器擊賊自後賊不敢輕出至初四日該三省監軍公同各鎮總兵官議允分定日期責成攻打六月初五日屬劉李二總兵初六日屬陳吳二總兵至是先夜兩道會集總兵陳璘并副總兵陳良珌王鳴鶴及參遊等官王一桂陳策江騰龍宋大斌都司吳時喬錢中選守備陳九經白元潔王之棟朱桂芳楊惟中等商議停當將各官兵懸賞鼓舞初六日五鼓總兵陳璘躬統前行偏沅撫院差來守備劉允康張懋傑各執令旗牌隨後督押齎至國下寂無聲息總兵陳璘令陳良珌陳策陳九經把總

吳應龍李元敬戴宗茂從左王鳴鶴王一桂宋大斌錢中  
選朱桂芳楊惟中從右江騰龍吳時喬白元潔王之棟把  
總吳嘉隆并指揮陳九德祖浩武生盛國用等從中各衝  
枚前進從山坡蟻附而上殺死守城賊二十餘人陳吳二  
總兵督同陳良玘等各將領官兵并參將鄧鍾續到廣兵  
襲後進城舉礮三聲各賊驚惶奔潰官兵奮勇衝殺應龍  
聞知卽同愛妾周氏何氏懸梁自盡左右放火焚燒間總  
兵吳廣守備陳九經打開樓門直登其上吳廣爲首陳九  
經爲從衝火取出全屍白元潔親獲酋妻田氏并宣慰司  
銅印一顆查篆文係播州宣慰司印六字四角俱全遊擊

陳策親獲逆子楊惟棟哨官嚴韜擒獲楊以棟報效武生  
盛國用擒獲楊良棟并偽內官四慶舍人鄧光汴擒獲楊  
奇棟并良棟乳母老趙秀與家人阿十中軍指揮馬一龍  
擒獲楊勝棟舍人孟鄒卿擒獲逆賊孫嵩壽舍人許英擒  
獲偽內官雙慶逆賊孫春壽并逆賊女真惠又擒朝棟女  
性福朝棟妻田氏陳九德擒獲逆賊女真瑞并楊良棟妻  
田氏偽內官陶鳴陽兵雷四擒獲逆賊女真福并其乳母  
任秀軍人嚴福擒獲楊以棟妻田氏名色把總陳厯擒獲  
楊勝棟妻田氏偽內官金牛指揮祖浩生擒賊首何漢良  
報效承差區良相擒獲偽內官天保軍人區志績擒獲偽

內官善奴會元指揮牛桓擒獲僞內官楊富并逆女真惠  
乳母善秀名色把總陳敘擒獲僞內官閏元官桂慶祿名  
色把總蕭聲擒獲逆酋使婢元秀篆秀家丁劉宦擒獲使  
婢善緣齋婁家丁鍾位擒獲朝棟妻乳母金蓮并嵩壽乳  
母祖秀家丁華世春擒獲性福乳母李氏春壽乳母顏氏  
哨官林新擒獲真瑞乳母春鳳使婢五奴舍人鄧樞擒獲  
楊勝棟家人同生共擒斬一千三百九十五名顆俘獲賊  
屬二百二十三名口又奪獲僞驃騎將軍鉛關防一顆賊  
仗三百二十五件諸葛鼓三箇陣亡兵五十七名陣傷兵  
三百四十八名當卽於國上會同三省道鎮將楊應龍全

屍井印信與首妻田氏等審驗明白續據守備李大諫督把總蕭鳴時王可大等并永保土兵勦按各山斬級七十六顆以上共計擒斬賊徒賊級六千零七十八名顆俘獲賊屬一千七百二十四名口投降招撫共九千六百四十八名口賊仗六百七十七件牛一百八十八頭除將賊首楊應龍全屍賊妻田氏并逆子楊惟棟兄弟及各妻田氏等賊首何漢良并宣慰司銅印一顆已該總兵陳璘差遊擊宋大斌把總白元潔領解本部院取獲批迴續據總兵陳璘審出賊屬楊惟棟妻田氏田一鵬妾何氏并獲鉛關防一顆諸葛鼓一箇長槍一百四十四件斬馬腰刀大弩

共一百八十一件除長槍發平溪衛寄貯其田氏何氏腰刀大弩俱經該鎮差官解赴本部院審驗訖此白泥一路所獲之功也又查得統領龍泉一路官兵副總兵陳良玳統率偏將參將王一桂都司錢中選原任守備徐允爵立功守備楊惟中洞庭守備朱桂芳中軍指揮徐時達旗牌官葛倫郝朝中等至期各由龍泉司攻剿除黔兵功次遵照貴州巡撫郭都御史憲牌聽該省查敘不開外二月十六日陳良玳劄營受水令塘報官趙志定把總陳大順領兵哨伏茶子蘭拏獲播賊胡興仁審係巡警朱敬管下差運糧米進播州修囤及哨探四路官兵消息又於大灘拏



獲姦細王原審係楊酋統兵提調趙仕登管下差出偵探各路官兵多寡進兵日期回報領兵應敵至二十六日鄉導王宣明招出統制袁守剛下提調趙正芳盧順周廷貴等四十四名口初八十一日哨官唐文燦黎世文等招撫出播民方自朋并被播酋執留屯軍王世奇等八十七名口三月初九日苗賊燒劫青岡山報效生員朱永化生擒一名三月十三日陳良北令參將王一桂督發施南散毛忠建三司宣撫覃宜覃玉鑑田天爵忠峒高羅大旺三司安撫田大豐田阜田養民蠟壁東流二司長官田洪田盡忠盤順司親舍向明德喇喏六寨土百戶向權峒長向景

忠向敖向明翱向世奇向化枝各土兵攻打唐保所播賊  
惡目羅淳等對敵部斬五顆奪獲賊仗十件馬一匹俘獲  
賊屬一口卽日陳良玘密令王一桂督發施南等九司六  
寨土官覃宜等官兵指揮唐一麒中軍百戶張燄千戶趙  
承烈等於十四日攻打關崖園賊兵拒敵矢石如雨我兵  
奮勇前後夾攻克破險園十五日寅時嚴督官兵乘勝攻  
破板角關當陣斬級一百八十七顆生擒頭目龍潘祥墜  
崖而死者不計其數同日千戶孫應期百戶張燄塘報官  
趙志定鄉導黃仁普朱承產等招出標頭劉大魁宋正隆  
董國相等四百九十名口十六日陳良玘密令把總王世

恩領兵偵探苦竹關把守苗兵俱赴板角應援所存無幾  
當日乘隙攻燒先登關隘招降丁月明等五十七名十八  
日千總周世祿報效吏昌應期招撫出播民四百四十三  
名口又同指揮劉之屏等取出屯軍黎世華等六百五十  
四名口是日馬步苗兵萬餘至板角關前兩路包圍當令  
參將王一桂統率指揮唐一麒中軍官張燄千戶孫應期  
同施南九司六寨土兵分哨迎敵自寅至未斬級一百七  
十四顆十九日令千總周世祿把總戴天球鄉導黎世文  
等攻打寶子國共斬三顆二十日令把總陳大順丁慶等  
領兵攻勦葛漏冲斬級七顆招出播民林正鑾等二十九

戶二十七日令小中軍金嶠陳其可等領兵伏哨於黃沙  
國井板角關口野兒礮斬級四顆取出屯軍周瓚等一百  
七十八名口報效知印陳其忠同把總朱承中等招降把  
守苦竹關兵龍廷爵等三十三名千總周世祿招出播民  
廖朝祿等六十七名口四月初六日千戶孫應期中軍官  
張燄指揮唐一麒撫出楊應龍族舍楊海等一百零三名  
口初九日陳良珖令參將王一桂督率中軍張燄指揮唐  
一麒千戶孫應期同施南九司六寨土兵前後並進攻勦  
川崖青山二囤斬級一百四十一顆四月十一日陳良珖  
親自督兵攻打趙生坎分兵夾進中軍指揮徐時達等領

賀國欽江天濟舒學乾等從後路攻打指揮劉自西領向日明張廷崑等從前路攻打酣戰自辰至酉賊敗斬級五十六顆當夜收兵於保子園下至十二日乘勝長驅攻過長坎險固斬級五十八顆奪獲賊仗八件俘獲男婦一百一十六名口十四日陳良玘督同中軍官徐時達金嶠指揮劉自西陳其可把總丁慶各領兵攻剿劉木窖驛子坎斬級二十六顆奪獲賊仗十一件招撫安顯政等一十六名口十五日陳良玘令參將王一桂督發施南土兵出哨魚溪西賊衝突斬級二顆生擒三名奪獲賊仗五件紅旗一面巡警朱敬統領播賊數千蜂窠青山園上陳良玘先

於十七日密遣塘報王朝興潛往偵探得實於十八日發兵分部中軍等官徐時達劉自西陳其可陳大順丁慶陳其忠協同土官向日明張廷崑張銘攻打賊國正遇首惡巡警朱敬親領馬步苗兵賈勇前來衝突我兵四路截殺自寅至申賊眾敗潰當陣斬獲朱敬首級一顆并從賊三十六顆奪獲賊仗盔甲九件紫馬一匹招降唐習祖等三十七名二十一日陳良珪督令中軍徐時達金嶠指揮劉自西陳其可把總丁慶陳大順陳其忠領兵攻勦攔牛坎鴿子岔斬級一十四顆奪獲賊仗十一件撫出播民田與順等八十六名夷苗一十六戶二十二日陳良珪令參將

王一桂中軍官張燄指揮唐一麒督同散毛司土舍覃可符發兵哨探於長坎青蛇後路遇賊衝突接戰斬級六顆生擒二名俘獲賊屬四名五月初一日各官兵進關遇賊塘伏青水橋箐林出戰金嶠陳其可指揮劉自西率兵應敵斬級一十三顆奪獲賊仗十件俘獲賊屬一十六名口招撫夷頭把事李紹仁等二百一十七名口以上招撫并取出被虜軍民男婦通共二千六百二十八名口俱經審發安插又令守備朱桂芳茅岡土官覃宗伊分兵攻勦雞婁岡斬級一十一顆招撫冉雲祥等九十六名六月初六日隨總兵陳璘攻進海龍岡斬級八十二顆生擒二十二

名俘獲賊屬一百九十五名口奪獲賊仗二十一件先後陣亡兵九名陣傷兵二十八名前後斬級八百二十六顆生擒二十九名通共擒斬八百五十五名顆俘獲賊屬男婦二百八十九名口招撫并取出被虜軍民男婦共一千六百二十八名口奪獲賊仗八十六件馬二匹此龍泉一路所獲之功也該二道會同辰沅兵備道查得白泥龍泉二翼楚兵功次除楊惟中長坎圃部斬一百五十七顆查係殺降冒功已經刪削不敘外其餘官兵功次以擒斬則六千九百三十三名顆以俘獲則二千一十三名招降一萬二千二百七十六名奪獲賊仗七百六十三件牛馬一



百九十匹頭俱係紀功委官紀驗實數鑿鑿有據者看得  
楊酋匪茹與國爲讐萬姓荼毒三省震驚孰不以爲非可  
以歲月克者乃自出師以來甫三月有奇而元兇授首黨  
與悉擒千年虎狼盤踞之窟一旦掃蕩無遺上足以伸中  
國之威下足以洩生靈之憤其他狡黠土司獷悍惡苗無  
不落魄亡魂西南半壁天下可永無虞矣朝廷威福本部  
院方略所致斷非文武將吏敢貪天功爲己力者惟是各  
官兵暴露行間勞苦萬狀不可不查敘也等因各造冊呈  
詳到臣案照先該江西真人府下舍餘張時照等并潯州  
里民何恩等各奏稱土酋楊應龍殺死岳母滿妻等情

割民人爲太監奪占幼婦爲繡女殺死長官抄沒親叔又  
於白石口拒敵官兵等事節該兵部覆奉特旨遣總督侍  
郎邢玠勘處事完具題本部覆奉欽依移咨前來欽遵外  
萬曆二十六年間節該前巡撫四川右僉都御史譚希思  
題爲夷目投田構釁等事前巡按四川監察御史王明題  
爲土酋萬騎殺虜內地等事兵科給事中侯慶遠題爲狡  
酋恣橫弄兵等事兵科都給事中張輔之題爲目前防播  
勦倭第一急務等事前巡按四川監察御史趙標題爲播  
事勘處無期狂酋殺虜日甚等事二十七年間該巡撫貴  
州右僉都御史江東之題爲狂酋肆行劫虜等事又該巡

撫湖廣右僉都御史支可大題爲叛酋集兵猖亂等事節該兵部覆奉聖旨楊應龍違斷稱兵合當防剿這所議都准行著各省同心相機行事欽此又該兵科都給事中張輔之題爲島倭廓清土夷紛構乞敕部議相度道里遠近分設督撫重臣以消隱憂以維大勢事該吏部覆奉聖旨土酋肆擾四川巡撫准改總督著便推素有威望堪任的來看欽此又該吏部題爲欽奉聖旨事奉聖旨李化龍著以原官起改總督川湖貴州軍務兼理糧餉巡撫四川地方寫敕與他欽此又該巡按貴州監察御史宋興祖題爲播酋大殺官兵等事該兵部覆奉聖旨這叛酋罔勅事情

著該巡按御史嚴勘具奏李化龍并郭子章你部裏差人催他到任俱限五月內接管行事劉綎也著再催先帶家丁馳赴四川俱不許任情延緩致誤事機其餘應該區處的上緊著議來行欽此又該貴州撫臣江東之題爲播酋狂逞益甚等事奉聖旨楊應龍輒敢糾苗殺官好生悖逆可惡著卽催督撫李化龍及劉綎著遵前旨一併星馳到任調兵進剿不許延緩滋蔓餘俱依擬行欽此俱經移咨欽遵在卷該臣聞命馳赴四川交代隨會同按臣趙標題爲土酋糾領苗兵劫掠內地事奉聖旨楊應龍罪惡多端朝廷念其先世恭順姑准贖死乃敢逆天背恩屢次狂逞

今又公然領兵內犯罪不容誅且彼處撫鎮文武等官何故任其竊發不早偵報原議招兵何故至今未備欺蔽玩縱莫此爲甚該科便參看了來你部裏卽速馬上差人著李化龍嚴督所司愼加防禦准便宜行事不許有誤機事一面速行料理兵食應付其劉綎世受國恩又今敘功在邇特寄重任待之不薄何爲遷延逗遛不爲朝廷盡力便馬上嚴催他去若有別情著他早奏將來毋得誤事不便欽此又該臣題爲循例請設兵將等事本部覆奉聖旨該鎮督撫新設事權宜重這編選標兵推補將官調用各省兵馬議處糧餉等項都依擬行軍務重大必須事事從實

不許徇情顧面因循虛假各鎮亦宜同心助力毋得坐視  
陳用賓沐叡陳璘等都馬上行文與他知道山東防倭等  
兵著精揀好的差忠勇將官領去還立限與他欽此又該  
臣題爲急報播酋陷城殺將等事奉聖旨綦江失守蜀事  
甚急可憂著該總督率屬勵兵相機防剿不得仍蹈前人  
玩縱輕率等弊合行事宜作速奏來陝西延綏甘肅浙江  
等兵俱准如數調發仍著揀選精銳刻期赴援軍火器械  
給與隨營應用各鎮官同心協濟不得有分彼此漢土諸  
兵到日仍著劉綎提督伊素稱忠勇欲以功名表見你部  
馬上再行諭催著他奮身報國延綏入衛兵還再議來餘

俱依擬欽此又該臣會同按臣趙標題爲播防擘畫正殷等事兵部題爲軍務事節奉聖旨是川貴用兵雲南兵將許總督徑自催調領兵參遊而下併聽節制監軍司道准設著精加選調務裨實用不許採取虛名及因循資次乘機借用私人其備用將領兵事增置總兵中軍俱依擬戰守機宜著督撫加相奪而行不從中制有能擒斬楊應龍首級來獻的不論漢土官民人等破格酬功你部裏還明白議擬陞賞等級來行風示天下欽此又該科臣張輔之題爲叛賊臨城殺將等事本部覆奉聖旨徵兵救蜀已有明旨但恐路遠不能卽至這本欲兵部定限責發說得

是還馬上差人守催務將見在熟練精兵選去若託故遲延以疲驚塞責事發各鎮同罪劉綎吳廣陳璘等都著催他兼程去總督事權原重川貴又係特設李化龍著用心率屬賜劔准給發不用命的許先斬後奏兵部知道欽此又該四川餘慶長官等司長官毛守爵等奏爲逆酋悖旨不道搆苗殺官等事本部覆奉聖旨楊應龍世受朝廷養恩厚犯罪以來又屢蒙曲赦不思感激改圖卻乃稱兵犯順荼毒生靈攻破城池戕殺將士好生極惡滔天亟宜誅勦朕心獨斷更無矜疑一切用兵事宜除已行未盡的陸續奏來兵費著戶兵二部如數卽便先發以後不時開



請接濟軍中用人舉事務要詳審精實一一濟用不許濫收談士遊徒及僥倖輕舉糜財無益奏民著盡數發回各督撫衙門從宜鼓舞聽用仍須密訪詐冒反覆等情不許潛留京師混擾如違著該衙門嚴行驅逐欽此又該臣題爲再報逆酋情形等事前按臣趙標題爲播兵壓境等事科臣張輔之題爲苗孽業已橫潰等事本部覆奉聖旨逆酋敢行稱亂亦因處置失宜今各官尙循襲敝套苟且支吾蔑棄法紀玩視明旨但只畏賊不知畏法何由討逆正罪靖亂安民著嚴加申飭惟法是舉不許縱容巧玩再致失策內行查一事還立限與他不許徇情欺隱欽此又該

都察院左都御史溫純題爲逆酋猖獗天討難容等事奉  
聖旨俱依擬著實行不許諸人因而飾虛雜私以誤大事  
劉綎屢有旨了還著他星夜兼程赴任行事欽此又該工  
部左侍郎趙可懷題爲患在剝膚敬陳一得等事奉聖旨  
銀兩准解發軍興爲急編派著照丁糧出辦毋以優免靠  
損小民欽此又該臣題爲夷氛甚惡天討宜彰等事奉聖  
旨楊應龍稔惡當誅朕前因其頗立微功姑從撫處恩德  
甚大這廝不思報效卻乃稱兵犯順殺將破縣背天藐國  
豈有再赦之理已經屢旨進勦著遵奉行其餘該部看議  
來說欽此本部覆奉聖旨西方有事特設督臣一應討逆

進止機宜調遣兵將分布攻守悉聽便宜行事關係緊密的不妨先發後聞將吏臨敵逗遛并失機情重的亦許先斬後聞朝廷賞罰明信責在按臣嚴查的實毋徇偏聽致有參差督撫鎮道宜矢心協謀毋分彼此逆首慣以賄賂爲巧計但能舉受者以功論若隱忍收受卽係通賊重處不饒欽此又該臣題爲郡城偶值兵變等事奉聖旨劉綎著改南京右軍都督府僉書員缺便令推來用萬鏊柴尙仁革了任李光祚等行巡按御史提問與各項贓罪俱查明具奏李化龍著相機移駐調度三省道鎮官兵併力協謀決意殄賊合用錢糧戶部上緊處發與他其漏洩處播

事情逆黨還著緝事衙門訪拏重處餘俱依擬欽此又該臣題爲逆酋狂逞有日諸將觀望成風等事奉聖旨童元鎮改貴州總兵官原旨著他馳赴管事不必候代如何至今未到君命嚴重軍機緊急恣意逗遛本當拏問姑念用兵之際革去總兵職銜充爲事官管總兵事立功贖罪李應祥准以原官起用貴州總兵聽用國家養士甚厚酬功不薄望濟不時之用各官平居驕蹇恣肆遇警退縮遷延巧擇便利專圖推諉負恩玩法於心何忍軍法尤宜嚴肅以後有故違不遵的卽以賜劒從事毋得姑息容奸餘依擬欽此又該臣題爲瑣陳軍前緊要事宜等事本部覆奉

聖旨是逆首罪惡滔天更無可赦軍中機宜悉皆責成總督各官宜協謀共勦不許參差若有妄生機械流言遊說顛倒是非熒惑耳目的在內聽部院科道在外聽總督撫按不時叅來重處毋容姑息欽此又該臣題爲播賊分道突犯全黔等事奉聖旨貴州孤危著總督上緊與各鎮撫應援兵馬若少准再酌量調募另給糧餉與他廣西雲南湖廣各兵俱要齊赴信地戰守不許逗遛觀望童元鎮堪否策勵及應拏應換總督務遵照屢旨及今部覆從實行不得姑息陳寅等若再不到叅來重處朝廷不中制該督撫宜協心力任相機行事欽此又該戶部題前事奉聖旨

是糧餉用兵繁務難待奏報輾轉鄰省應解的著總督遵照屢旨嚴行催取該撫按不許執留短少致誤軍機以後不敷任總督便宜徵發借助不必一一奏請仍先儘貴州免令告匱若有抗違不遵的指名叅來處治欽此又該臣題爲播賊狂逞未已貴竹物力難支等事本部覆奉聖旨川貴督撫道將俱已近播彈壓惟湖廣兵將不齊餉又未備儻致失機巡撫豈逃其責但偏橋旣設總兵大師聚集楚地遼遠陵寢所在尙恐巡撫一人顧管難周欲添差一官前去督理監視事甯與總兵一併裁革爾該部還會同吏部都察院議處來看童元鎮逗遛太久著戴罪管事能

上緊殺賊卽與題覆若再推諉怯懦不必待他失事總督便遵照沈尙文例一面扭解送京一面另委賢將暫署請旨其副將以下不用命的卽以賜劒立斬徇眾毋令參差不整總督務遵旨行毋得疑畏視爲虛文致誤事機罪有攸歸欽此又該貴州撫臣郭子章題爲播寇突出充斥興隆黃平之間等事該戶部覆奉聖旨是貴州孤懸著總督將供餉銀兩先儘支發仍遵前旨於鄰省堪動錢糧內先動後題逆酋抗亂普天同讎各省直官宜請助兵餉豈得託言違旨支吾推諉著通行與他每知道欽此又該巡按四川監察御史崔景榮題爲將官赴任違限乞賜究治等

事并條列六款俱該兵部覆奉聖旨是劉綎著同原衛軍機緊要一應調發錢糧兵馬及遷轉文武官員凡經題准的著通行各該大小文武衙門急急火速奉行如違指名叅來俱加等重處決不輕貸三省將吏兵士著總督振肅紀綱申嚴號令仍須審度機宜以全取勝如有囁強敗度及畏縮巧避與輕舉妄動違誤節制的都依軍法從事不許姑息致妨大計欽此又該臣題爲天討方張師期在邇乞留調用大將分路進剿等事奉聖旨劉綎屢經叅論已著革任懲創旣該總督進兵在邇分布已定一力保來姑准充爲事官領兵剿賊著他奮勇報效有功一體敘賞如



再負恩驕縱誤事重治不饒欽此又該臣題爲播賊侵犯黔境攻陷土司等事貴州撫按郭子章宋興祖題爲播賊殘破孤懸土司等事奉聖旨童元鎮陳良玘姑記這遭候事完通議楊惟中本當拏問革去見任職銜取死罪招由充爲事官戴罪管事近來軍紀不嚴明旨申飭不啻再三各兵將往往違玩通不遵守何望克敵成功李應祥等是何緣故至今未到著各該撫按嚴查飛奏不許徇情回護如違一併治罪不饒欽此又該臣題爲播賊造逆奉天征討恭報師期等事又該按臣崔景榮題爲兵馬旣集進征在邇敬陳一得之見等事奉聖旨用兵深戒妄殺尤當敬

慎始終不但進取之時須有掎角卽克勝以後時時宜整  
隊肅防以嚴重爲主毋得徒事姑息及疏脫縱弛致墮狡  
計仍禁戢各將不許爭妒參差暴掠騷擾進止務稟節制  
違者雖有功亦以罪論總督還預定方略詳申法禁使人  
有所遵守但不得過爲掣肘令失機會不用命的遵照屢  
旨行該奏報的從實奏來威福朝廷大權寬嚴自有斟酌  
功必不遺罪必不宥以必得罪首爲期苛細亦所不計餘  
俱依擬行欽此臺臣李時華題爲師期伊邇謀貴萬全等  
事奉聖旨軍中事屢旨悉付總督朝廷不從中制今正進  
兵著李化龍慎重周詳勿得率易偏聽嚴申法紀齊合眾

心如有觀望逗遛妒害攜貳的卽時處置重則以賜劒先  
斬後奏毋務姑息欽此又該科臣桂有根題爲勦播安遼  
不容再誤等事奉聖旨是西征機宜著督撫遵照屢旨用  
心行事朝廷既不中制務須相時審勢處置得宜毋貽後  
患欽此又該戶科都給事中李應策題爲看詳章奏賊勢  
漸履舊轍等事奉聖旨是童元鎮等李應祥等俱已有旨  
了進剿除兇屢經申飭大兵旣集著緝密機宜行事務須  
聯屬三省互相犄角不用命者任總督從重處分不得徇  
情姑息妨誤大事欽此又該臣會同貴州撫臣郭子章湖  
廣撫臣支可大題爲三省征播大勝蜀黔更破險關等事

又該臣會同撫臣郭子章題爲黔路失律喪師得關復失等事奉聖旨童元鎮失律喪師法所不貸著督撫選差的當官扭解來京審實究罪謝崇爵臨陣先逃卽以賜劍處斬張秉忠張澍姑准戴罪殺賊責立後功仍嚴行申飭大小將領俱要奮身力戰毋蹈覆轍取罪不饒安疆臣著遵照前旨宣諭及劉綎等各將聯絡並進併心滅賊毋得有分彼此驕妒觀望以致大軍久頓不解成功賞格具在有違國法凜然決無少假李應祥著充總兵官換制敕與他餘依擬欽此續該按臣崔景榮駐劄重慶就近監軍又該臣題爲滅賊在卽庸將爲崇等事奉聖旨吳廣著革總兵

銜充爲事官戴罪殺賊立功自贖欽此又該臣題爲丁憂  
事兵科都給事中侯先春題爲征播機會宜乘督臣關係  
甚重懇乞聖明亟敕從權移孝以收成功事本部覆奉聖  
旨卿等說的是軍旅事大李化龍正值督兵決勝之時當  
從權移孝力圖報國待蕩平賊巢處置悉備方聽回籍守  
制著兵部馬上傳諭知之切勿頃刻杜門致妨機務欽此  
又准兵部咨該臣題前事覆奉聖旨覽奏求歸守制固孝  
子至情但賊勢垂亡兵機尤急關係西南倚託最重近該  
部科公論請留朕已有旨明悉宜抑情遵命視國如家事  
完終喪有期慎勿哀毀妨誤不准所請該部知道欽此除

將節次奉到旨意轉行三省文武一體遵依外先是臣奉命入川賊知罪在不赦已統兵深入有擒王剿叛之說遂破綦江且逼重慶地方洶洶皆謂有長驅之志於時目前兵力略無可恃臣乃以計緩之一面調兵一面移文詰責若未嘗絕之者賊果信之卽具文求撫且不西向臣因得以徵調漢土諸兵急爲之備其時賊氣張甚川人畏之如虎臣發成都兵甫出門欲投錦江不復肯東又聞綦江城守兵見賊來譟而走多投水者止餘二將與其家丁遂及於難臣念漢兵心膽已碎土兵狐兔有情自非召客兵不可因請調陝浙諸省之兵又念外兵之費甚侈往來途次

且生擾是不可多因於每省鎮止調一二千多者三千共數省實僅僅二萬其餘仍三省及滇粵土兵也然西南人見外兵來莫測多少以爲天下之兵皆至矣自是漢兵之氣壯而土兵之心亦折無不樂爲我用者時賊雖知調兵然以爲虛聲嚇之如往日非實事也臣亦止在成都積糧治器若無事然不復東賊亦不疑比兵且集臣移駐重慶賊始知必剿頗肆衝突然我兵漸益未易得志也臣又念兵以一路進旣道狹不能容一有前卻不可復振因分爲八路又念路分而兵少賊厚其陣以衝之敗矣因令每路皆三萬以上每一路皆可以當其全師又念關外賊黨多

不可勝誅會兵部頒賞格至首重招降臣益推廣之但投  
戈者皆赦不誅臣又念兵無賞士不往會兵部賞格首言  
得賊者卽以其家資與之臣益推廣之克關破國各懸賞  
賞各以千萬計旣川兵入關臣又恐其人自爲心若九節  
度之師然因復委按察使張悌入總監之殺牲泣盟務必  
得賊臣又恐賊事急詐降得以遷延至暑雨漸深我兵不  
能久因令但急攻之有稱降者斬使焚書無爲所給時湖  
貴之兵亦至國下臣欲入營親監之會聞先臣之訃臣恐  
營中遂懈情不可用因不待成服跣而草檄示以例應候  
代照常督兵有慢令者尙方具在令代中軍余德榮等再



往監之臣又念賊國後易攻國前難攻時諸將壁國下者各有分地因令以勁兵一枝壁其前其餘併力於後臣又恐諸軍士爭走賊財物或至亂行致有他虞因移文再四申禁臣又聞營中流言水西目把尙不絕賊恐漏軍情因移文令其退劄水西土官懼撤其兵退而引嫌曰吾不欲爲亡播之續也時久雨兵士日在泥淖中至六月初四而天忽晴初五日遂破其二城初六日遂登其國賊以滅亡總計八路生擒賊首賊從一千一百二十四名斬級二萬二千六百八十七顆俘獲賊屬五千五百三十九名口招降播民一十二萬六千二百一十一名口全活被虜男

婦一千六十四名口奪獲馬牛七百六十七匹隻器械四千四百四十四件是役也自賊破綦江至剿滅可一年自進兵至滅賊百十有四日當入路對壘時土漢兵旣參差不齊諸將領亦彼此觀望播人劫於賊之積威人自爲戰未易卽克我各路又糧運艱難時有脫巾之呼臣日夜催督走使馳檄至數百千卽兩省撫臣各路鎮道亦靡不忘寢忘食或至頭須爲白總之諸文武知廟堂之意必欲滅賊故鼓之卽應勞之不怨誅罰之亦無敢囁嚅者向更一月而賊不滅暑雨久瘴疫深我兵自潰無問賊矣該臣會同巡撫貴州兼督理湖北川東等處地方軍務都察院右

副都御史郭子章巡撫湖廣等處地方兼提督軍務都察院右僉都御史支可大巡撫偏沅等處地方提督軍務兼理糧餉都察院右僉都御史江鐸議照國家方制萬里日所出入之邦悉爲郡縣獨西南諸省不廢土司蓋亦曰因俗而治與之相安云爾二百年來此輩犬羊之性不甚馴擾亦時有之然未有若播酋楊應龍之公然叛逆者則何也蓋其地險其兵強其財力足以使鬼通神其聲勢足以呼羣嘯黨加以年來方隅多事東西用兵九伐之旌未遑南指彼遂時時狂逞亦時時得志井蛙之見謂縣官眞無奈我何諸羣不逞如楊珠楊明何漢良孫時泰輩矜其雄

心或時有以公孫躍馬尉佗自王之說進者賊亦念騎虎者勢不得下將曰等死吾且舉大名乎於是乎恣其狂圖淫怒以逞而破城殺將鵠起西南之勢成矣夫天下非小弱也九州四海兵非脆糧非乏也向賊逆形未著皇上不忍遽觀之兵曰吾且舞干吾且解網姑俟其悔過而與之相安於無事乃不謂兇人之性不移也始天怒赫然斷在必剋夫斷而敢行鬼神避之况此么麼者乎蓋自進剿之旨下尙方之劒頒然後海內熊虎之師如雲而來京坻之粟蔽江而上智士陳謀勇夫效力火燎毛山壓卵賊卽欲不灰飛煙滅亦曷可得已臣等嘗卽諸路之功而評敘之

在四川則枿木三峒賊黨以爲三窟謂天險不可升者也  
婁山關賊前門我所必由賊所必爭者也海龍固賊以爲  
天造地設人迹所必不能到兵力所必不能加者也三戰  
而三克之賊力竭矣不亡何待夫賊黨自戰其地猶易與  
也惟賊父子親在行間則諸賊人人致死難與爭鋒該路  
到處與賊父子對壘最快者九盤子之戰賊悉其精銳以  
付朝棟令之從綦江進從南川回此其目中尙復有官兵  
乎鄧綖一戰而走之自是播人爲之破膽尤快者諸軍壁  
海龍固下連月不拔綖至一日而克其二城賊遂滅亡至  
今羣口囂囂然竟無敢沒其先登之烈者法兵無選鋒曰

北紆於諸路其選鋒乎則綦江路之功也臣嘗言破賊關  
外宜招降謂多不可勝誅也關內宜疾戰謂師不可老也  
安羅陶洪三寨生口以數萬計勝兵以數千計令貪功者  
以大兵初入必且多殺以報捷勝之則傷仁不勝則損威  
矣而該路坐受其降兵不血刃自是一戰而斬郭通緒再  
戰而入崖門關三戰而屢捷於水牛塘賊計無復之遂父  
子相哭而上國矣當其戰水牛塘時川兵雖入關去國尙  
遠湖貴兵在關外絕不相聞吳廣以孤軍去國數十里而  
結營犯兵法之所忌而卒以得志自非其令嚴而戰力當  
不及此後雖以講降誤事然有激而奮竟以成功逆賊父

子盡獲其手終不失爲全捷則永合路之功也南川路最險最遠去國可六七百里賊以爲官軍必不能從此進當馬孔英之未至也高折枝以一書生請自將土漢兵以往此固已雄偉不常矣乃師期一月之前先擣官壩營以寒賊膽而撤回其龍泉之兵且以解思石之危其事甚奇其功甚大比進兵從眞州入眞人則簞食壺漿以迎播人則棄甲曳兵而走居然有三代時雨氣象時諸將方欲候各路消息方入關折枝艷然曰若是則誰爲當先入者策馬而前眾隨其後竟以三月初八日奪桑木關而據之臣用是以催各路尙有以四月入者以五月入者令諸將皆折

枝諸路皆南川滅賊當更早抵關而馬孔英至則文武相  
得如樂之和自是日日約各路攻圍有應有不應甚或以  
相誹詈而折枝不顧也分攻令下諸將爭走後門該路獨  
壁前門夫後門我易攻賊前門賊易衝我彼亦曰誰爲宜  
當賊衝者蓋亦先入關之意乎破固之役後門以二路更  
番前門以一路搏戰日夜揮戈人百其勇坐使賊自盡而  
逆黨無一逸者總之倡諸路之先作三軍之氣令黠帥不  
得以賊強我弱借口而竟以奏功臣於該路文武蓋心折  
焉則南川路之功也在湖廣則偏橋一路江外爲四牌江  
內爲七牌皆五司遺種九股惡苗盤據糾結乎其間四牌



不埽卽武騎千羣未易窺三渡也陳璘獨以一旅之師先埽四牌開我進兵之路用是烏江內外賊黨寒心長坎瑪瑙青蛇三國自昔以爲險絕官兵所從未易得志者臣亦慮其難下令降之璘以爲除惡務本竟一鼓而升其巔殺戮數千臭聞十里時龍泉哨施南兵亦已先克板角關至今白泥湄潭之間四牌七牌之苗遂無遺種微璘之力不及此該路漢兵少土兵多糧運少遲便成譟呼璘令嚴而法肅卒能使之用命而不爲害迨至克關逼固議設木柵製鐵牌以防賊逸其機智有足多者卒以入虎穴得虎子聞人繡女纍纍在俘良快人意則偏橋路之功也貴州各

路與川湖不同其地近其兵少其餉乏其夷情反覆而靡  
常其民心搖惑而不定茲之用兵又非以一淬厲一鼓舞  
之爲兢兢者烏江失律已見法矣然能借是以激勵水西  
俾之絕狐兔之情踐虎狼之窟母氏國一戰大足褫逆酋  
之魄而奪之氣此則失之武人得之文吏蓋運籌者之苦  
心乎李應祥以孤危之兵當輓腕之時能自審於緩急進  
止之間以守爲戰以招撫爲進攻卒之轉弱爲強揚旌直  
指斬首數百招降數萬因之破諸國斬三渡抵白田何其  
壯也竟以連合川兵同心戮力破重城俘羣醜振積弱之  
邦舒華夏之氣始如處女繼如脫兔茲其審於機而神於

用豈易得哉則平越烏江沙溪諸路之功也夫我國家從來用兵未有大得志於西南夷者也國初傅友德統二十四將軍止言防守未聞戡定正統間麓川之役用兵五十萬轉餉半天下陞敘萬人三返而罪人竟逸嘉靖初思田之役以勦始以撫終至今爲諸夷借口茲其大致可觀已諸帥固中庸人臣等三五書生耳其智略才力不逮古人遠甚乃兵纔逾二十萬進兵纔逾百日總計防守征勦三省之費纔逾二百萬而倖以成功則何也臣以爲此非諸文武之功也而皇上之功也皇上斷在必勦故閣臣得以開其忠而畢力持國是部臣得以宣其猷而悉心調兵食

科臣得以伸其說而矢口效封駁臣等奉而行之用使文武同心將士效死爰有成績抑非獨於此也皇上有便宜行事不從中制之旨故臣得以陽開陰閉頃刻逆酋束手坐以待斃而不自知皇上有同心協濟不分彼此之旨故臣得以調各邊各省之兵糧協濟三省之不足卽諸省亦悉力應付卒以濟事皇上有先斬後奏先發後聞之旨故臣得以約束諸文武大吏卽行間大小將士人人常如兵在其頸強者不敢跋扈而怯者亦不敢逗遛皇上有酌量調募另給糧餉之旨故臣得以廣招多兵十圍五攻無不如意一舉撲滅之爲快皇上有盡付總督任從處置之旨

故臣得以悉心調度盡法督責令無不行禁無不止人人  
噤口翹足以應之而無扞格壅閼之慮皇上有審度機宜  
以全取勝之旨故臣不直以繩諸文武且時用以自繩酌  
彼已審時勢勞心焦思計圖萬全幸不至爲賊所乘而得  
薄收尺寸之效蓋臣每誦詔旨卽十行之札萬里之外往  
往曙於指掌而析於毫毛輒沾沾自得以爲賊平矣已戰  
勝於堂上矣夫淮蔡之平直須一斷何况其廟謨詳審一  
若此哉臣故曰非諸文武之功也而皇上之功也乃皇上  
不自以爲功直推功於臣下且命臣等將諸臣功次從公  
敘錄臣卽心知非諸文武之功亦何敢不遵明旨而量爲

品敘除內閣大學士趙志皋一德調元純忠許國計安社稷鼓鐘怡九廟之靈亂定西南夷夏仰千秋之伐相業光昭於史冊皇猷潤色於絲綸大學士沈一貫道推先覺功在中興坐廟廊如周鼎商彝威望樹八荒之表紆籌策兼房謀杜斷精神折萬里之衝緬茲淮蔡之勦允賴幄帷之算此在宸衷自有特眷非臣所敢擅擬如兵部尙書田樂蓋世勲名當朝耆碩犁庭紫塞旣裘之種落幾空授策青羌蠻嶂之妖氛立埽制勝在廟堂之上成功於指顧之間戶部尙書陳璘等蒿目時艱焦思國計左徵右發調度會靡後時酌盈濟虛拮据罔遺餘力匪藉士飽馬騰之效曷

收執訊獲醜之勳兵科都給事中侯先春等望聳鵷階名  
高螭仗鎖垣抗議屢摠忠藎以陳謨鐵壘分籌迅掃妖氛  
而獻捷職方司郎中張主敬素握元經熟嫻黃石入參筦  
樞之謀議指麾穎見智囊出料壁陳之機宜擘畫鋒生武  
庫此卽酬功自有殊恩臣亦不敢擬敘如巡撫貴州都察  
院右副都御史郭子章學貫古今才通文武決策驅門庭  
之豺虎而左提右挈良工具見其苦心潛機羅堂奧之犬  
鷹而陽縱陰操偉伐尋收於指掌閭巷且圖尸祝廟廊共  
仰羽儀巡撫湖廣都察院右僉都御史支可大三湘七澤  
之福星十圍五攻之神秘不以賊遺君父倏滅楊么凡克

敵示子孫仍封楚觀惟茲戰勝而攻取允賴虔始而厚終  
巡撫偏沅都察院右僉都御史江鐸邊才推重家學繩承  
奉詔叱馭南來時雨霈戎軒之捷誓眾揚麾西指迅霆挫  
賊壘之堅匪直開府之威名允稱世承之忠孝前四川巡  
按御史趙標山峙淵涵之度文經武緯之才籌兵食之機  
宜計周先事申勸懲之約束早奏膚功調發悉藉於前猷  
將士畢遵其成算今四川巡按御史崔景榮純誠體國直  
亮匡時肅申令於烏臺凜如曉霜鋪玉斧明誅賞於龍國  
皎焉秋月湛冰壺駐愉之節未移平播之功立奏貴州巡  
按御史朱興祖剴裁立解醜醜謀略渾傾肝膽梟巢斗絕



戢聲避威鳳之鳴兔窟煙銷埽迹畏神羊之觸借寇恩纏  
貴竹平蠻仁覆粉榆湖廣巡按御史王立賢經濟訏謨淵  
閎識度澄清江漢聲靈夙警於有苗埽蕩封疆籌策獨周  
於邊徼一路風傳驄馬三軍氣鼓常蛇緣各臣與臣同爲  
憲臣亦不敢敘外其三省在事大小文武官員人等謹照  
撫道文冊之所品題參以臣耳目之所覩記第其功次酌  
其陞賞一一爲皇上陳之總統大帥在四川則原任總兵  
今充爲事官劉綎沈雄氣壓萬夫忠勇身經百戰殲逆酋  
於虎負而種種出奇鼓大眾以驍騰而多多益善克圖功  
應居首平蠻績已無前鎮守四川總兵今充爲事官吳廣

昂驤之槩凌霄果銳之鋒逐日水牛塘六場大戰先諸路  
而虎穴頻探海龍國一鼓盪平執羣俘而狼烽頓熄土歸  
赤幟將號白眉領兵總兵官馬孔英沈毅多算恬淡無求  
勦伐略不動容綽綽大樹之號戎行齊如斬足凜凜細柳  
之營一時推轂無雙百戰搴旗獨步在湖廣則總兵官陳  
璘藏秘策於地中落奇兵於天上擁貔貅而蒙矢石義激  
風雲戮鯨鯢而陵嶮巖威生草木坐攄萬全之勝算永奠  
三楚之封疆在貴州則總兵官李應祥功在三川胸蟠七  
略隼旟捲霧重城之殺氣如虹龍劍排空絕徼之妖氛若  
洗自是當年宿將堪爲萬里長城以上諸臣或入關有先

後或戰陣有緩急或獲賊有首從要皆衝鋒觸瘴九死一生與賊角於兔窟虎穴之中於國樹夫展土開疆之效勞績殊常均當優異內劉綎吳廣先俱被叅革職充爲事官今則一破國城一獲賊首俱立有奇功相應復其原職仍與陳璘李應祥馬孔英一體重加陞廕者也監軍司道在四川則參政謝詔三仕蜀洞識機宜載護軍素饒奇策當羽書紛糾之際區畫敏如承蜩處夷情狡譎之秋揣摩瞭若觀火在貴州則按察使楊寅秋才閎識定慮遠機沈拮据於兵食之間紆籌心爲最苦縱橫於戰守之際決勝略更多奇參議張存意志恢閎機略曉暢履危蹈險躬冒

矢石之衝絕苦分甘士感纘醪之惠在湖廣則按察使胡桂芳腹笥兵甲氣壯山河運韜鈴於幄中殫厥勛勤之力執鞭弭於國後佐成底定之勳參議魏養蒙素稱八面才猷雅抱一腔忠義裹藥囊而親臨將壘爲國忘軀芟草舍而直逼酋巢渾身是膽續委監軍四川按察使張悌籌畫呂韜石略擔當范騾韓馳披戎服而鼓八校之威烈邁輕裘緩帶臨虎帳而督一戰之捷功成埽穴犁庭以上諸臣在謝詔楊寅秋張存意胡桂芳魏養蒙則提衡文武衝冒險艱自大帥以至卒伍皆其指揮自出兵以至滅賊皆其籌算在張悌臣因國久不破續委監軍各路飛騎入營敵

血誓眾援桴親鼓一戰成功其勞績均爲殊異相應一體  
超陞厚賚且諸臣才品表表一時內多資望已崇勲庸久  
著者仍應於邊腹巡撫員缺推用以竟其施者也督理兵  
糧司道在四川則參政張文耀筆陣采煥雲霞劒匣光搖  
參井聚米而指畫山川之險真如熟路輕車纓冠而力拯  
水火之危何論盤根錯節副使史旌賢綜軍興而獨煩心  
計料兵食而兼覈首功坻京之積靡窮粒粒皆繇辛苦水  
陸之輸沓至陳陳盡費經營參議劉一相襟度直追古人  
清真迴超流俗開鳥道以轉登天之運心力俱劬募魚舸  
而餉市地之兵頭須爲白僉事徐仲佳才諳夙擅於康時

經畫時張於會計揮毫落天雨之粟無容流馬稱奇轉盼  
壯雲屯之聲不道籌沙用詭在貴州則參政郭廷良疆直  
自遂之性能卓立而弗移奮發有爲之才每必行而莫撓  
列郡之輸將常給三軍之資藉宏多副使洪澄源忠信可  
孚豚魚方略能馴虺豕抗旌指授厯山澗而采入蜂屯橐  
韃躬親凌風霜而快聞烏幕副使尤錫類才思練達德性  
溫和坐鎮平越之危城克堅墨守連破黃灘之險寨更藉  
良籌參議梅國樓志在平夷謀周裕國量盈縮之數而供  
需接踵於夫丁裁裒益之宜而部卒絕呼於庚癸在湖廣  
則參政詹啟東表裏相符才誠兩合飛芻輓粟嘗蒿目於

川陸之間秣馬厲兵卒收功於饋運之繼副使王應霖篤  
實輝光之器精明渾厚之才臨沅水而振紀綱風清一路  
駐偏橋而核功罪令肅三軍參議薛士彥清節自將經術  
爲理手揮繁綜調劑裕軍國之儲身履艱危冒險破洞庭  
之浪以上諸臣或逐戈矛之士探卵巢巢或驅負戴之民  
轉粟烏道或往來苗寨彈壓諸夷或上下江關分餉三省  
均有勞績俱應優陞厚賚及查湖貴二省督兵理餉每路  
以二人分理川省督兵理餉每路以一人兼理又史旌賢  
本路之外仍兼四路水運諸臣勤苦更爲殊常以故出營  
之時半成白首仍應查照加陞以示酬勸者也先後與事

司道在四川則參政馬朝陽馭夷方略素閑滅賊籌惟更  
遠邊防慎固內地恃以無虞火器分馳外侮因而克禦參  
政王嘉謨雕龍竹書之業倚馬草檄之才譚兵事熟若探  
囊無非石畫料賊情符如合券豈是虛談副使蔡守恐端  
凝而有卓識沈毅而又虛衷當徵發之紛紜事無叢脞處  
兵食之倥偬應以從容副使顧汝學爽豁胸襟恢張才調  
霓旌分隊丕揚熊虎之威雲錦成羣率中驪黃之選副使  
傅良諫器宇真醇材猷妥練素精吏治規畫皆益下訐謨  
夙厯巴渝發縱得制夷長策副使盧泮威嚴以馭諸夷仁  
明以蒞庶政幕中參畫豈燕雀處堂之謀塞上勒兵有虎



豹在山之勢參議熊宇奇行業比圭璋之潤操持同金石  
之堅薊北遐征之軫初旋萬姓春回吹黍川南董餉之檄  
尋至三軍惠感投醪參議康夢相練達雅尙深沈亮直不  
修緣飾初轡軒之戾止賊篋方張會羽檄之交馳民安若  
堵原任副使來三聘斷兇剗蛟之器行雲流水之才當瀕  
洞之秋最煩酬應值去留之際尙多綢繆在貴州則參政  
王邦俊心貌俱古聲實並隆當屏翰而布藩條惠周蔀屋  
奉簡書而司軍餉計切供需副使陳與相作牧西川夙諗  
夷方之情僞提衡貴竹時裨幕府之機籌嚴保障而四境  
若安瀾勤儲胥而三軍無枵腹副使路雲龍器量宏深理

識精遠心游淡泊操尙迴出風塵力任艱危擘畫大裨軍  
國副使袁應文方正不阿嚴明有度萬鍾畢集戰士勇氣  
倍增一鑑高懸首虜弊端悉囑參議張文奇功名無損於  
治郡猷爲益顯於臨戎跋一山川靡憚間關之苦區裁兵  
食常懷夙夜之憂原任參議梁銓英英氣槩矯矯才名保  
璋興隆善揣敵情於掌上迢迢道路尙留遺愛於師中在  
湖廣則參政楊道會品格孤高器能純備肅風規而標物  
範江漢仰其儀刑振武備而飭軍容羅施誓其威烈副使  
張喬松性純行方識敏才達廉察有體民情望風自安徽  
發如期軍政計日而理副使章守誠丰神岳峙蓄抱淵停

振肅紀綱摘發獨持憲體籌咨兵食批導咸中機宜原任  
副使楊現性直而無流心才通而有勁節調施南之兵以  
助戰功著斬關轉江陵之粟以廩軍籌兼裕餉參議黃齊  
賢守正不同裁決每優於繁劇在公無撓措注尤急於供  
須期會徵發以如宜摧陷廓清之允賴參議韓光曙樞曹  
展采智略可仗於安危藩省分猷機宜必審乎緩急羽檄  
馳而兵糧畢集士氣振而績用告成參議張天德憲府自  
竦孤標藩垣時流聞澤念軍興而加意於不毛之地九法  
緝熙思餉匱而下令於流水之源萬夫登數僉事林煥章  
幹才老練事體精詳督兵不厭煩勞有嚴有翼諭苗能安

反側不震不驚僉事馮應京甫下車而蒐卒乘振兵威於  
會城旣奉檄而饋芻糧裕軍儲於絕壘成保大定功之業  
徵揆文奮武之猷以上諸臣在傳良諫王嘉謨則親在行  
間參贊謀議在王邦俊張文奇袁應文則逼臨敵境料理  
兵糧在路雲龍陳與相則始事餉施南之兵入關有效在  
熊宇奇則續至督永合之餉破國成功在馬朝陽顧汝學  
蔡守愚則治器買馬大神戎行在盧泮康夢相楊道會張  
喬松章守誠楊現黃齊賢韓光曙張天德馮應京則催餉  
調兵有神軍政在來三聘雖以播事被論而候代二月拮  
据爲多在梁銓雖以到遲降級而保全興隆功效難泯俱

應分別陞資內傳良諫熊宇奇應陞級王嘉謨路雲龍陳  
與相林燧章俱應陞俸仍應賞資其餘應一體賞資者也  
總理兵糧四川則布政司左布政使盛世承夏曹夙練戎  
機行省正當兵事委積餉萬竈而晨炊宿飽壁壘無譁征  
繕遍四封而近悅遠來閭閻胥戴按察司按察使沈季文  
揮塵玉屑紛霏前箸萍光爍爍鉤鉅得賊情之要領腹內  
有兵畫圖盡地利之險夷目中無虜貴州則布政司左布  
政使應存卓敷厯資深甸宣望重提衡將吏居然岳峙川  
流綜覈軍儲炳若燭照數計按察司按察使易登瀛整臺  
綱而貞度吏蠹澄清象刑以誥姦苗夷震舊制勝紛拏

之表計安震擾之餘湖廣則布政司左布政使胡心得惠  
綏三楚卽賦車藉馬而民不知兵師長百城且弊絕風清  
而吏皆奉法保釐永資重望剋平雅藉良規右布政使洪  
有復才足以遺大投艱志在於謀王斷國譚西事而紆籌  
策盡中陰符操右轄而總賦輿常懸利器按察司按察使  
薛三才顯卬器負國楨經緯才標王佐舉六條而訓俗峻  
畀北之典章宣七德以理戎簡征西之車馬以上諸臣雖  
在會省然皆摩畫兵食籌算軍機自非效鄼侯之守於關  
中何以成淮陰之謀於垓下均應優賚內沈季文自臣視  
事卽悉心圖賊諸所籌畫如招降人置火器儲糧餉察地

理以至進兵之路道戰守之機宜凡千百其說皆鑿鑿有  
用且曾帶管巡西道一切軍興之需皆先諸道而辦蓋臣  
閱人多矣憂國奉公知無不爲似當以季文爲最且其資  
望已崇名實已定所宜亟於邊腹巡撫員缺推用以竟其  
才者也各營領兵及入關護運將官在四川則參將管副  
總兵事周國柱扛鼎雄風叱咤千人可廢落鵬妙手張弛  
萬里自開已樹銘山勒柱之功堪繼伐虎斬蛟之將原任  
副總兵曹希彬多智弄夷酋於股掌沈機降賊黨於襟喉  
冒矢石而巖門之崒嶠先登叢斧斤而後國之荆榛大闢  
參將吳文傑警敏雅能任事開爽夙號知兵捐資修戰具

而鎧甲一新裹創遏賊衝而鋒稜不挫參將余德榮才精  
明而多算氣軒舉以直前議移後國之師遂授元兇之首  
參將王夢吉宅心抑畏御卒廉平護水陸之轉輸而東馳  
西騖防猱苗之出沒而夕惕日乾參將藍芳威兼程以赴  
師期力疾而共餉務關隘之隄防最密水陸之催運爲勞  
遊擊李經剛方恥飛鳥依人忠耿似傾葵向日令嚴部伍  
凜光弼之旌旗謀折遐衝儼營平之方略都司管遊擊事  
周敦吉志銳請纓忠期裹革戰士投袂而起一聽勞呼前  
徒倒戈以奔數塵追逐都司管遊擊事奈世威滿腔司馬  
之兵遍體子龍之膽百戰而精神愈倍一呼而技擊爭先



遊擊羅星姿貌雄武宇量恢宏逸不辭勞程將軍之部伍  
謀而能斷周都督之威名遊擊楊敏政守同冰檠性匪脂  
韋當逆賊之鴟張身爲捍蔽幸運夫之蟻聚力濟艱危遊  
擊任承爵戴月披星輪轉權騰萬竈敦詩悅禮披吟色麗  
千山勇自冠軍功多首虜遊擊司懋官雅負七尺之軀堪  
膺一旅之寄處囊不嫌於自薦橫槊猶見其能軍總兵標  
下坐營孔繼祖性資明爽事體安詳駕馭得夷兵之心指  
揮奪賊地之險都司吳從周韎韐有儒將之風干城標武  
夫之望汰冗兵而委輸獨省人稱其廉嚴疏捕而全活爲  
多眾戴其惠都司趙應科後先不離行陳攻守最曉機宜

列隊肅鵝鵠之容旌旗動色當關賈貌貅之勇劒戟凌寒  
都司封建扼腕善譚兵事彪英先捷武科領三千具號選  
鋒登九折甯思同馭都司哈光顯撫戍卒如嬰兒擒叛苗  
若困獸擐甲光生組練揮戈氣吐虹霓原任都司趙賢輔  
才長鏖戰技擅火攻鷹揚張卻虜之威燕領具封侯之相  
都司程試智能卽戎才堪濟急鑒前人之失而僨運惟勤  
計後粟之輸而樵蘇不誤守備周大謨丰儀秀雅操守清  
嚴部署得士卒之心防禦有將帥之略守備江萬化雄姿  
赳赳壯氣桓桓援臂可以落鵬鷺翰不難擊鵬守備萬民  
英奇正設而險關首奪先聲樹八路之威虛實洞而重地

久屯堅壘蹙諸蠻之魄守備周以德憂時常切枕戈角力  
真堪舉鼎叱咤而風生電掣芟除則草薶禽獮守備劉承  
職貌雄奇而才敏性果毅而行方委輸勞勩可嘉險道艱  
難不避在湖廣則副總兵陳良珌分六師以逞雄貳元戎  
以耀武斬關先入而所嚮無前乘勝長驅而大勦克集參  
將王一桂磊落奇標縱橫奧略散財結士懷毀家紓難之  
忠設伏張疑得先發制人之術參將王鳴鶴業擅戎韜學  
綜兵要帥淮瀆之勁卒飛渡長江會楚塞之精騎首登絕  
壘遊擊陳策屏氣則鬼神無聲奮呼則山岳搖動一心報  
國蹈白刃以如歸百戰輕身殷朱輪而靡顧原任遊擊江

騰龍材負驍雄師遵節制提兵轉鬪績屢著於摧鋒下令  
招降心尤存於止殺原任遊擊宋大斌材官傑出驍氣絕  
倫奉令先驅直抵虎狼之窟鼓行力戰仨殲螻蟻之羣原  
任都司吳時喬懷才卓犖抱器謙沖厲元甲以卽戎威生  
草木推赤心而待士德比椒蘭都司于繼勳憂危相關聲  
援足倚守而能固軍城賴以安恬出必有功野戍曾無竊  
發守備王之棟勇可冠軍持戟抗方張之寇志期盡敵飛  
騎趨左次之營守備朱桂芳奮迹武闡潛心義府重舟師  
而克嚴紀律督夷卒而大振威稜加銜守備陳九經執殄  
不落風塵弓冶頻操世業聿奏擒俘之凱有光出將之門

加銜守備李大諫精貫金石義動鬼神鼉鼉就架橋梁風  
鶴助成兵衛原任把總白元潔拔距呈才蒙輪奮勇入關  
不煩一矢克敵能用三驅在貴州則副總兵陳寅恩信素  
孚謀勇具備橫戈慷慨竟收埽穴之功拔幟飛揚允稱登  
壇之選參將朱鶴齡雄姿邁眾膽勇超羣策馬督夷兵儘  
煩駕馭援枹申將令屢見驅除都司徐成久歷戎行旁通  
戰法躍馬馳驟萬夫莫敢撓鋒執策驍騰三舍咸爲辟易  
都司錢中選器宇軒昂才華卓茂彎弧閑縱送而穿楊之  
技擅場拔幟淨氛埃而破竹之功埽穴都司戴守禮騎射  
兼長邊疆久歷攻圍垓下每奮勇以前驅偵探賊中常瀕

危而後殿都司莊志傳間關萬里靈旗指於天狼絡繹三  
師王旅闕如虤虎載觀廓清之烈丕揚猛悍之威守備汪  
如淵英風超距猛氣逼人興隆之堅守無瑕四牌之戰功  
足紀原任守備童龍志旣不羣勇尤可取撥金鉦而直進  
百雉無堅擐甲胄以合攻三狐遂獲原任守備徐允爵胸  
富甲兵腹藏技略屢卜師中之吉一空國上之庭署守備  
事把總陳用寶尺組欲繫名酋長劔時騰俠氣已快鯨鯢  
之戮用彰鷹隼之威以上四十六員皆追隨大帥獎率三  
軍出八戰八克之奇收百下百全之效大功立奏陞敘宜  
先內周國柱當馬孔英未到時獨領南川一路曹希彬獨

領永甯一路朱鶴齡獨領沙溪一路陳良珙獨領龍泉一  
哨雖皆受節制於大將而偏師直擣勞績爲多尤宜優厚  
王夢吉藍芳威任承爵楊敏政程試劉承職皆職專護餉  
緣川兵入關最蚤沿途賊黨尙多時時接戰艱危尤甚並  
宜優敘曹希彬先經被論提問應住提復職仍行推用其  
餘諸將俱宜一體陞賚者也隨營贊理監軍及紀功四川  
則馬湖府知府蔡宗憲握郡符而典兵有慷慨臨戎之志  
驅土夷而破敵多鼓舞獎率之功後效已收前愆可贖敘  
州府同知史朝貞招降勦逆兼長講武摘文並擅率士卒  
身衝瘴癘司紀驗力竭勦重慶府推官高折枝盤錯雄

才神明朗識當機料敵握勝算捷於轉丸仗鉞臨戎殲逆  
酋易於拉朽嘉定州同知趙世德繕器甲最號精工簡驍  
雄更資衝擊借箸每多籌畫驗功不厭詳明貴州則雲南  
廣南府知府黃宇循良之聲遠播監紀之任餘長功過明  
而部伍歸心斂散公而土兵飽德永甯州知州陳聖佐催  
夫意在給軍轉餉功成敵愾濟急用而事事俱有調停紀  
戰功而人人絕無妄冒思南府推官吳天佑器宇宏深風  
規穎秀小大之獄必愼已裕一戰之機俘獲之功不遺尤  
彰屢勝之績清平縣知縣劉啟周紀驗每臨京觀查核能  
辨蕭蘭允稱文事武備之才無忝玉壘錦江之彥湖廣則



辰州府推官王應宣才識精明性資警敏因紀功而兼催餉不辭越俎之勞入漢壁而護土兵能奏折衝之績雙流縣知縣鄧宏烈才堪禦侮志在策勳董施南之兵身先士卒據板角之勝膽落夷苗會同縣知縣陳原道器識高明言行修整雅習吏事令譽旣著於鳴琴兼暢戎機茂績益彰於載筆沅州儒學學正袁惟慶曾厯亨衢素懷利器建議接運之法足食因以足兵奔馳戎馬之場勞心抑且勞力辰州府儒學教授謝師啟業擅麟經機諳豹略贊畫多文人之致核功得壯士之心以上十三員隨營紀驗各有勞績內蔡宗憲史朝貞高折枝趙世德各專一路協贊總

兵行事緣川兵分四路相去頗遠而一監軍又不能監押  
二路故四臣者名爲贊理實分監軍之任如馬孔英未至  
則高折枝領兵破關吳廣誤事則蔡宗憲與之同罪委任  
責成原自隆重不止一辨驗首級而已且川兵皆以三月  
終入關諸臣監押兵將日日與賊對壘直至圍破勤苦爲  
甚自應特酬查蔡宗憲先被叅降倭近頗有煩言但功過  
相準仍應復俸高折枝始終播事大有軍功且五年推官  
屢經首薦應卽以清要京職推用史朝貞資俸已久才品  
不凡趙世德雖係州同原以郎署左遷二臣者應於部屬  
員缺推用鄧宏烈以川官親調楚兵同守黔地間關數千

里跋涉五六月其爲危苦不可勝言板角關之戰實爲奇捷應加同知銜仍管縣事黃宇王應宣以紀功兼督兵餉勞亦倍常陳聖佐吳天佑劉啟周陳源道袁惟慶俱勤勞日久應紀錄優擢謝師啟近轉王官應查照軍功事例另行議處其以上各官仍通應厚資者也總理糧餉及隨營收支在四川則重慶府知府傅光宅以元龍湖海之品膺萊公鎖鑰之司綜理不遺米鹽務革劒刀之俗運用至當履履實增草木之兵順慶府同知馬性和倜儻異才精明淵識水運陸運主辦而露積如山本支折支鉤稽而弊端若洗敘州府同知李廷謙管合江一路之饌餽收支不爽

錙銖查運夫四萬之往來跋涉殊爲煩苦民勞無怨兵食  
常充重慶府同知王陞政才爽豁心計精明使民樂趨政  
無庸於束溼致士宿飽患何虞於脫巾重慶府同知梅燮  
朗識洞如懸鑑長才捷若轉圜談戍機川湧雲流理餉務  
絲分縷析烏蒙府通判劉之淵察姦則市猾潛蹤轉餽而  
征夫鼓腹途中緼屬不絕營內紅腐相因夔州府通判尹  
紹皋才妙繭絲慮周桑土監水陸之運飛輓如雲飽將士  
之心師徒似雨瀘州知州邵崇雅當羽檄交馳之會酬應  
多方適兵戈紛擾之時拮据備至設心最苦程績居優蓬  
州知州毛秉光沈潛盡斂才鋒樸茂能擔事任貲支敏而

什伍兼利分數明而升斗無差長壽縣知縣郭維屏聰明  
特達之才鎮定和平之氣應待哺者萬眾而劑量咸宜計  
輸輓者千箱而纖毫不爽內江縣知縣楊應登才號瑰琦  
吏稱彊項涉厯遍夷獠部落供餽騰卒伍歡聲資縣知縣  
葉世孝雅閑文事尤擅吏長收支釐煬竈之姦營壘感投  
醪之惠巫山縣知縣陳應式軒翥濟時之雅望泉流應變  
之長才無難壁壘奔馳獨苦藤蘿扳挽原任資陽縣知縣  
詹淑丰神英邁才氣激昂司錢穀之冗煩愼嚴筭鑰較米  
鹽之瑣屑詳核鎔銖榮縣知縣樂繼同揮霍之才精瑩之  
識籌餉事無處不周駐大灣隨機善應南溪縣知縣寇克

順製軍器精而早完督糧儲煩而能整任事誠心不貳當  
機明識無倫貴州則貴陽府推官張應選軒爽雄才英明  
卓識催餉不辭越俎鞅掌爲勞均輸早得弛擔焦心爲最  
鎮甯州知州李珏雅有道氣更饒吏能赤白之囊盈前而  
草行露宿庚癸之呼欲起而水輸陸供定番州知州王應  
昌稽察密而民財不匱於漏卮轉輸時而軍食無資於栖  
畝殊多勞悴綽有治才湖廣則辰州府通判黃陞高幹時  
偉器適務宏才用民之力而得其心足兵之食而作其氣  
荊州府通判楊堯仁爽豁胸襟恢張才調查理船戶不辭  
櫛沐之勞催督漕糧克效轉輸之績辰溪縣知縣張守緒

才能周務政必宜民當孔道而調停有方往來無壅承劇  
委而怨勞不避饋運爭先以上二十四員在傳光宅當臣  
建牙之地又值軍興百務煩冗倍於會城本官從容酬應  
綽有餘裕支放本折以百萬計略無留滯時時參畫謀議  
匡濟實多且其資望崇深士林推重應卽陞憲職以酬勞  
績馬性和等唱籌饗士冒險從征俱應陞俸級並加賞賚  
者也在外料理軍需及督夫饋運官在四川則成都府知  
府周懋卿敘州府知府劉三樂夔州府知府李時孳管蔡  
江縣事同知周作樂成都府通判張堯臣重慶府通判蕭  
時鳴合州知州段文郁管巴縣事知州葉聯芳忠州知州

倪伯鯢達州知州蔣戴仁涪州知州陳敬衷調到湖廣  
州知州孫鶴年銅梁縣知縣陽思謙江津縣知縣陳大經  
永川縣知縣吳位璧山縣知縣陳應麟大甯縣知縣何躍  
龍儀隴縣知縣袁煥大足縣知縣黃日升酆都縣知縣蕭  
宗禹安居縣知縣周朝聘定遠縣知縣楊瑞麒南川縣知  
縣湯自強墊江縣署印知縣郭澳武隆縣知縣陳王道黔  
江縣知縣潘應相梁山縣知縣汪廷玉萬縣知縣越應虞  
東鄉縣知縣朱之柱富順縣知縣柯文納谿縣知縣王希  
璣合江縣知縣王塾隆昌縣知縣劉昇江安縣知縣朱宗  
望長甯縣知縣雷志舉屏山縣知縣曾朝符筠連縣知縣



朱萬元珙縣知縣顏燦如高縣知縣王藻慶符縣知縣張明卿興文縣知縣曾守嚴達州同知李潤涪州判官馮運泰宜賓縣署印縣丞曹一科署新甯縣印東鄉縣儒學訓導馬瑞義在貴州則鎮遠府知府張叔璽思南府知府陰鎔石阡府知府江至道都勻府知府鮑獻書貴陽府同知徐庭綬思南府同知張羽鴻貴陽府通判劉鳳儀思南府推官趙民悅都勻府推官楊應第普安州知州龍時躍施秉縣知縣袁尙紀銅仁縣知縣陳廷範印江縣知縣張鎔鎮遠縣知縣文加兆婺川縣知縣葛楚元新貴縣知縣龔一謦在湖廣則武昌府知府徐應寶荊州府知府徐美宰

寶慶府知府沈子來衡州府知府何懋官常德府知府馬  
永亨辰州府知府屠本峻長沙府通判陞廣西上思州知  
州議留催餉彭世澄德安府通判蔡思順常德府通判陳  
桂芳靖州知州張和中夷陵州知州陸枝澧州知州沈育  
大河陽州知州吳洪績沅江縣知縣潘思誥溆浦縣知縣  
梅友竹沅陵縣知縣喻繩祖武陵縣知縣朱瑩龍陽縣知  
縣喻政原任長沙縣知縣康阜攸縣知縣胡汝政湘陰縣  
知縣楊思程江陵縣知縣薛國用枝江縣知縣周仲士巴  
陵縣知縣奈自強天柱縣知縣朱梓以上八十五員綽餘  
治賦之才均篤急公之義辦軍需則晨昏拮据甘胼手胝

足以若飴督運夫則暑雨馳驅使轂擊肩摩之如織千里芻糧絡繹諸營士馬騰歡俱應紀錄擢用仍行賞賚內陽思謙至誠鼓舞一縣之人萬餘皆往運餉遂以一運而給一月之需尤徵卓異循良之政應候行取優處袁煥近轉王官仍應加銜致仕以酬其勞者也親履行陣領哨千把總指揮千百戶等官在四川綦江路功授署指揮僉事杜熊兆功陞候缺守備李爲瑚功陞候缺守備徐珊遼東東甯衛指揮使劉光漢四川甯川衛指揮陳道南江西南昌衛功陞署都指揮僉事傅朝政直隸永平衛功陞副千戶王九思掌號南京濟川衛千戶陳鑾掌旗鼓官直隸前屯

百戶陳策四川建昌所功陞千戶王珠四川甯川衛副千戶王臣江西南昌衛功授副千戶劉可春江西南昌衛功授副千戶吳英湖廣靖州衛功授副千戶易朝臣江西南昌衛功授鎮撫游汝璧直隸吳淞所功授百戶王文憲四川敘南衛功授百戶曹柏貴州都勻衛功授百戶莫如爵江西南昌衛功授百戶劉招孫江西南昌衛功授百戶洪信江西南昌衛功授百戶劉起潛貴州平越衛功授百戶李玉四川瀘州衛功授百戶趙奇四川敘南衛百戶陳子名湖廣忠州千戶所百戶孟相浙江杭州右衛百戶馮國聘貴州衛功陞百戶馬禹卿四川瀘州衛實授總旗莫尙

智領兵千總劉興勤傳統李大榮李慶雲周希受羅向辰  
劉鳳岐劉汝朝唐文戶張會九李華熊俊柯朝高欽領兵  
把總龍正通黃惟啟徐嘉英胡清王金惠傅貴楊泰王世  
柏劉茂林雷震龍何成周大賢何維翰趙廷蘭包正鑾督  
陣旗牌官何文星劉應登王朝吳世景田國本曹華南川  
路中軍陝西甯夏中屯衛指揮同知金汝卿建越提調劉  
勝陝西固原衛左所試百戶李桂芳固原衛右所試百戶  
高尚江綏德衛前所實授百戶李進榆林衛前所實授百  
戶李科河南彰德衛左所實授百戶余武懷慶衛右所試  
百戶小懷忠陝西延綏衛指揮同知鍾允升河南彰德衛

指揮王正國衛輝所正千戶王承緒彰德衛前所百戶盧  
鳴春衛輝所百戶李奇英歸德衛前所正千戶龔論湖廣  
忠州所正千戶羅人豪延綏榆林衛右所副千戶李庫榆  
林衛左所實授百戶李茂春四川青川所鎮撫趙斌河南  
信陽衛右所試百戶于應祥河南名色火器把總武定邦  
陝西甯夏中所火器把總冠帶官蔣尙仁督陣官樊遇時  
葛倫郝朝忠合江路瀘州衛指揮王繼祖敘南衛千戶顧  
南陽敘南衛千戶吳承宗建武所納級千戶張曉千總王  
元爵周敦曾太張子明郭鸞黃泰黃尙明鄭光啟李先春  
梁齊賢應元王大經索信周光華督陣官胡彥英葉雄藍

遇兆陽世勳永甯路四川成都前衛中所正千戶蔣惟喬  
江西建昌所納級千戶劉國祚四川敘南衛實授百戶吳  
天奇成都後衛左所百戶曹應奎成都後衛前所百戶葉  
世隆成都後衛左所百戶虎文蔚貴州永甯衛中所試百  
戶孫繼善普市所百戶周應魁中軍鄭子龍甯川衛冠帶  
總旗鄧起龍敘南衛實授小旗遂崙千總陳恩郭天俸劉  
宏緒羅起鳳車千乘陳華廖仲德狄士進李成龍張紹翰  
武舉薛來盾武生馬時聘督陣官陳勉之汪宏輝吳應祥  
在貴州烏江沙溪二路督兵廣西南甯衛指揮羅萬善五  
屯所指揮李懋樑南丹衛指揮康應麟桂林衛指揮霍世

寵大甯操守指揮馬化麟南贛中軍指揮馮邦濟納級指揮黃運清廣西柳州所千戶趙夢肩把總陳邦揚陳大縉安時泰牙廷相操守鄧廷卿鄧光宇邱富郎張嘉震徐大綬章爾知王演李擒龍王學禮邵以讓梅調羹爲事官周易畢節衛指揮主于忠納級指揮徐懋功千戶張四端秦仕喬章甫王世臣左堯臣百戶林鳳舉王璽督陣把總許成名陳潤平越路領兵官指揮曹選周宗堯張體仁何鼎臣納級指揮李世培千戶李朝陽張翀陳志道段必明百戶李師沆王民嶧把總張鶴翀孫仲謨張奇盛汪世才安世珍安生呂守現李正中易之謙華統吳文秀許攀龍朱



平播全書卷五

五

運昌戎茂才安宇葉馮春薛應時陳定劉恩鄭國明杜廷  
武李茂春陳汝柏張世敬劉承冑劉朝臣呂廷祿張希軫  
李邦舉彭夢龍徐用賓孫應祥王朝朱朝岳楊正行金世  
隆蔡純周生員曾文學贊畫官劉孟銑黃龔督陣官王安  
民王眞思石硝領兵中軍鎮撫葉定遠興隆衛指揮胡效  
忠千戶王嘉言試百戶越其進薛瑞把總李君寶黃明儒  
千總周世祿在湖廣偏橋路中軍湖廣辰州衛指揮馬一  
龍常德衛指揮徐時達施州衛指揮唐一麒偏橋衛指揮  
蔣崇賢襄陽衛百戶張燄都勻衛冠帶小旗鍾伏武辰州  
衛指揮劉白西常德衛千戶張夢麒四川黔江所千戶孫

應期名色把總南昌衛百戶劉一清揚州衛百戶方元壯  
征倭劄授指揮僉事陳九德金華所指揮應襲陳其可名  
色把總吳應龍吳嘉隆李元敬戴宗茂周思灼丁慶李君  
實曹仁佐臣標下總管入路督陣紅旗官千總李報國馬  
千里分營督陣官綦江路藍國賓左仲威景廷貴白世英  
南川路高貴韓均美李希陽安世倉合江路郝國安鎮國  
文運開王可興永甯路許連李棟賈仕芳韓嘉會烏江路  
何天慶胡邦奇楊敖姚可興沙溪路郭承勳王三錫呂大  
業岳志德平越路楊守乾高連李繼晟馮伏偏橋路嚴臣  
王倫鄭其史會以上二百八十一員長技皆敵萬人之英

流雄風盡守四方之猛士居常而鳴劍抵掌誓投湯蹈火以弗辭當敵則躍馬揮戈若掣電轟雷而直擣自非有萬死一生之義旅何以收一月三捷之奇功相應查照部功陞敘仍通行賞賚內劉勝以名色提調領建越兵五百所向有功且紀律森嚴步伐整肅雅有將帥之體本官從征有年奏捷數次而口不言功官不加進尤人所難應加守備職銜令在總兵標下領兵善後以爲川將之勸李報國馬千里統領健丁總管八路紅旗督陣官破圍成功實由督厲且久在標下間關跋涉勞績殊常李報國係千戶應加守備職銜馬千里係冠帶舍人應加鎮撫職銜以示激

勸者也軍前效勞及各省走差官四川則差往陝浙等處  
調兵催餉官千戶王盾胡思俊百戶彭盾甘崇霖潘繼勳  
劉光先劉武昌范希正吳遜姜紹芳黃九皋河南等處買  
硝黃官主簿嚴有德典史蕭時寬驛丞黃金載巡檢汪繼  
文大使周憲湖廣等處買魚鹽官主簿張大化陝西買弓  
箭官張蘊彭興祚李逢春造火藥火器官布政司都事時  
言都司斷事俞應簡成都府檢校田僅指揮李文奇楊宗  
和馮宗修千戶楊堂把總陳雲鷺李金星受降官指揮沈  
崇極把總李長年開河督運官百戶田紹武守隘官指揮  
申于朝郭繼隆劉安世蘇民心貴州則募兵官千戶李春

元百戶王宏業胡朝賢把總馬武卿劉崑買米官指揮張  
世卿千戶傅良臣李東生把總王允聽宋真相買硝黃官  
指揮張元勳百戶蕭鳳鳴陳良翰買魚鹽官指揮楊祖禹  
千戶崔仕堯百戶鍾岐鳳造火器官指揮謝升階許敬所  
馬逢樂百戶王曰賢造船官指揮邵元爵守隘官指揮洪  
應選百戶周希舜羅國器湖廣則隨營紀驗官沔陽州判  
官王廷相承天府檢校余德涵守隘官指揮許汝岡王執  
中李熾王可大千戶陳時政隨征官指揮謝明德劉啟忱  
千戶王文臣吳一極百戶劉世臣贊畫朱孔昭唐應聘把  
總盧惟鳳高世用吳一枝劉文學以上七十五員或重繭

萬里哭秦庭以乞師或鼓棹三江徵越甲而下瀨或明五  
火以走敵或開三城以受降或殿大眾而一夫當關或入  
極阻而萬人卻步各有成勞宜加賞賚分管收支及沿途  
押運官四川則茂州判官梅子鳳瀘州衛經歷夏至敘州  
府照磨曾思美榮縣主簿周有德彭山縣主簿夏子賢萬  
縣主簿龔遂渠縣主簿陳迪大邑縣主簿王家士夾江縣  
主簿熊伯仁仁壽縣主簿吳國藩岳池縣主簿朱朝輔漢  
州吏目左鉅梓潼縣典史李楚營山縣典史喻廷龍梁山  
縣典史劉國文犍爲縣典史張時逢定遠縣典史梁以仁  
蒲江縣典史施雲鳳內江縣典史張希伯西充縣典史林

元晃德陽縣典史黃廷文彭山縣典史羅富昌金堂縣典  
史劉承恩富順縣典史朱道柱汶川縣典史蔣一浙雲陽  
縣典史冷嘉慶青神縣典史李希賢興文縣典史吳成人  
平羌驛丞黃鉞涇潭驛丞朱化龍松坎驛丞張二  
南播州長官司吏目徐里貴州則指揮魯仲禮楊師震李  
棟材夏應龍陳尙策白璋李國忠蘇通許維垣朱承勳許  
應春劉化龍吳東俊薛紹宣金汝陵張維奚國柱趙清陳  
堯年婁聯璧高位郭維藩林起鳳常靖國千戶楊希堯劉  
千符鎮撫張國壯陳三德百戶魏國忠魯思孔沈應麟煙  
夢堯王國葵冷璧趙之奇把總李國保湖廣則思南府經

歷饒崇奎鎮遠衛經歷陳九齡辰州衛經歷錢夢龍常德  
衛經歷李一俊永順司經歷唐元常德府知事陸之後思  
南府照磨周伯湖沅陵縣縣丞黃正南溆浦縣縣丞謝魁  
石阡司吏目林中式隆里所吏目丁一浩銅鼓所吏目金  
豪都坪司吏目冉文光永定倉大使顧有成晃州巡檢涂  
諫沅州衛指揮林奇材偏橋衛指揮許繼祖以上八十六  
員露宿風餐直犯嵐煙之瘴毒泥途雨徑甯辭溽暑之炎  
蒸芒鞋頻苦奔馳草野卽爲茭舍千里之間關最險半年  
之顛顛堪憐亦應敘賚者也三省都司四川掌印都司王  
廷光陞任僉書淡章貴州掌印都司王納忠湖廣掌印都



司魏元佐僉書楊宏吉以上五員略壯韜鈴才優保障慮  
犬羊之橫發而隄備固若金湯當熊虎之遐征而器械精  
於簡練凡茲焚道埽欃槍之氣實緣將星羅參井之墟俱  
應賞賚內淡章署印練鎮遠之兵楊宏吉赴調監桑容之  
旅俱於播事有勞並應賞賚各處城守將官四川防守南  
川參將金秉鉞防守綦江參將麻鎮防守鎮城參將蘭臺  
原任都司李宗望防守江口原任都司葉當春防守江津  
守備保世甯防守合江原任守備張本防守大灣原任守  
備陳嗣昌貴州防守省城守備杜鶴鳴以上九員振威武  
以聯渙散之心固根本以布應援之勢凡大兵有戰必勝

賴諸將以守爲攻俱應賞賚內麻鎮先有誤運之失後有  
守城之勞仍應並賚湖廣偏沅副總兵李遇文廣東惠州  
參將鄧鍾以上二員不遠千里而來雅見勤王之誼偶值  
五旬之舉樂觀飲至之期亦應量賞者也臣標下中軍副  
總兵楊登山驍雄夙擅雲中駿譽遙傳海外千里饋糧春  
生萬竈五申戒眾功就十圍練兵遊擊江萬仞魁梧有貌  
倣儼不羣束義旅以防江十萬戶之安全有賴走奇兵而  
破固五百人之擊刺無前偏沅撫臣標下中軍遊擊沈宏  
猷家承茂勳胸懷壯略躍金戈而功收破虜趨玉帳而績  
奏平戎貴州撫臣標下中軍指揮劉岳素練戎機常懷壯

志諮議多參幄算攻圍遂折夷衝湖廣撫臣標下中軍把  
總李正實偉貌不羣壯心自許力彎繁弱桓桓稱閩外之  
雄術曉陰符熾熾裕幕中之畫以上五員俱應敘賚內楊  
登山江萬仞皆北邊驍將向以勦播入川今播事已平仍  
應於北方沖邊陲用臣標下旗鼓官指揮孫光啟千總官  
朱纓姜寬張廷柏執機令官趙科岳鳳鳴張繼忠把定國  
余新楊芬杜蔭商劉瓊朱啟江應兆李廷相徐希堯高灼  
傳報官楊茂潘之玉嚴聚德朱自強提塘官張應斗在京  
傳報武舉官胡維城吏阮以敬管賞官鄒學孔王之藩李  
夢麒張夢明貴州撫臣標下旗牌官蕭時芳朱萬春印鎮

國白其心贊畫官王懋德王有聲張一龍鄒宗魯何世祿  
葉天植朱應明王永年彭應祖湯承禹把總劉崙劉岱白  
雲鵬李學文王見龍吳秉鉞李翔龍周明陳文立陳鉞王  
國忠葉瑞梁鳳吟羅緯金重王守邦黎元德袁備陳文德  
石安邦李逢元劉汝輔翁獻忠林監精蔣文臺湖廣撫臣  
標下贊畫瞿塘衛鎮撫文應龍贊畫武舉陳國鈇偵探把  
總常俊領兵把總丁勝千總韋國敬武舉劉愈東丁世美  
武生丁當世戴錫周應捷章建侯偏沅撫臣標下統領家  
丁原任朔州守備劉允康旗鼓官候缺守備張懋傑副中  
軍常德衛指揮陳應甲統領忠順營兵馬百戶盧希孔贊

畫靖州衛千戶翟羽生員劉可大領兵九谿衛指揮陳一  
啟五開衛平茶所千戶倪宏化鹽城所鎮撫魏一舉九谿  
衛百戶滕國梁名色把總陳滔謝純劉國禎何奇德沈徽  
猷陳邦授提塘傳報舍人蘇苞李夢熊武生林惟賢以上  
九十八員名才能任事勇可卽戎或傳令不差麾軍動旌  
旗之色或料敵必審借箸資帷幄之謀凡成功於七縱七  
擒總多助於羣力羣策通應一體賞賚內胡維城當逆酋  
破綦江時聲言據重慶取成都沿江士民紛紛逃竄鎮城  
差人出門未數舍卽不敢前維城被差重慶傳報獨駕孤  
舟入合江抵江津宣威令固人心勉之死守比至重慶偵

探夷情指畫方略於鎮道多所匡贊繼委入京傳報時方  
禁傳抄播事本官縝密詳慎不疏不洩大裨軍機於播事  
實有勞績應加鎮撫職銜以需別用者也應議贖復官貴  
州都司僉書張秉忠雲南中軍官今陞遊擊張澍原任守  
備陞都司僉書今立功官伍萬鍾爲事官蔡兆吉此四臣  
者各以東隅之失俱蒙左次之辜斬擒新績旋聞挫蹶舊  
愆可蓋在張秉忠張澍以河渡之失被叅伍萬鍾以偏橋  
之失立功相應議贖行賚內張秉忠功浮於過相應厚賚  
伍萬鍾蔡兆吉應俱准復職者也原任清浪參將劉效節  
先據湖廣鎮道呈稱其臨敵退怯臣已行令革職聽叅後

准貴州撫臣咨稱其防守有勞臣復行令戴罪管事近查頗有轉餉之功尙可少贖逗遛之罪應令復職姑免叅究原任守備今革任史良將一年出守無虞諸苗斂戢惟謹亦應議贖者也各省土官四川永甯宣撫司女土官奢世續目把張嵩劉國用周愛傳廷鑾長官袁初酉陽宣撫司宣撫冉御龍目把冉大周石砭宣撫司宣撫馬千乘目把秦邦屏平茶司長官楊光祖邑梅司領兵目把劉世懋眞州長官司應襲鄭葵駱麟馬湖府土官悅天恩夏德懋鎮溪所土指揮張大忠田萬年貴州宣慰司宣慰安疆臣土舍隴澄目把陳恩柯阿箇土官溫希舜宋顯印雲南武定

府土舍李保泗城州土舍岑紹勳龍英州官男趙政立獨  
山州土同知蒙詔播州宣慰司土舍羅寵平州司土官楊  
治安南丹司土舍莫勞鎮溪所土官張元虎雍水司土舍  
猶鶴鎮遠府土同知何守德土推官楊通淮新貴縣土縣  
丞甯國梁湖廣永順宣慰司宣慰彭元錦保靖宣慰司宣  
慰彭養正應襲彭象崑施南宣撫司宣撫覃宜散毛司宣  
撫覃玉鑑忠建司宣撫田天爵忠峒司宣撫田大豐高羅  
司安撫田阜大旺司安撫田養民蠟壁司長官田洪東流  
司長官田盡忠盤順司安撫親舍向明德容美宣撫司土  
舍田宗武桑植安撫司土舍向承周鎮溪所土指揮向日



明土千戶張銘張金土千總張廷崑實授百戶張文爵瀘  
溪縣峒官向日葵茅岡隘土指揮僉事覃宗伊播州白泥  
司土官楊鯨餘慶司土官毛守爵以上六十一員共圖報  
效各率戎行執銳披堅自奮前驅之勇畏威懷德誰干後  
至之誅俱應賞賚以勸土司內奢世續女流統三萬之眾  
斬馘而獻者近千自將屯二郎之營懸釜而炊者半歲冉  
御龍馬千乘遠戍久屯已效墨守之力斬關奪寨尤多血  
戰之功且千乘之妻秦氏另自領兵報效真不愧其丈夫  
安疆臣隴澄大水田之鏖戰潰賊腹心桃溪衛之焚燒亂  
酋手足且二子之母鳳氏私發軍餉千石大有裨於黔省

俱應破格重賞加給服色以示優寵內馬千乘係應襲土  
舍仍應查照事例免其赴京徑令承襲者也有罪應議官  
原任遊擊充爲事官今提問楊惟中介胄才庸斗筭器小  
龍泉失守已干罔赦之條長坎殺降益重不祥之譴相應  
行法以正其辜原任遊擊今緣事王之翰覩陣雲而褫魄  
甘爲狼奔鼠竄之流聞枹鼓而拋戈安見虎鬪龍爭之勇  
見在提問應候勘詳定罪偏橋衛提問指揮劉之屏縱賊  
未正其罪冒功益肆其姦情狀甚明法紀難貸應從原問  
歸結寶慶衛指揮李光先承委惟知圖利營私不顧害公  
各屬轉輸之夫索其紙價然後爲之交運土司潰散之卒

受其子女擅自給與行糧重秤故接運之法不行騙錢致  
涓潭之糧私貯官箴大壞軍法安逃荊州右衛指揮畢舉  
當羽書告急之時爲縮朒偷安之計領應付而不就道科  
使用以便宿娼戀居沅水之濱奚問清人之刺以上二官  
俱應提問翟塘衛指揮曹永爵典守全疏隄防欠謹羣兇  
就縛俱是入網之鯨數里縱逃仍爲出柙之虎已經提問  
責限追捕逸囚一十五人止據貴州擒獲彭道一名餘尙  
未獲罪自難辭應候勘明定議葛彰司土官安其位因居  
臂齒之地未忘狐兔之情頻傳遞以透漏軍機具酒牢以  
交通賊好並應提問名色把總葉明遠其貌可觀其中無

有故違將令未能奮恃以趨前纔見賊鋒胡乃抱頭而竄  
後今已繫獄相應正法以戒懦怯辰州府通判周以敬才  
非應變識不通方白泥營遣兵數十名前來接米情至急  
矣遣其兵而米竟不發罔思枵腹之虞永順司兵過鎮遠  
順帶行糧勢甚便也聽其去而致令復還豈恤行道之苦  
優游怠緩委有誤於軍機砥礪操持尙無玷於官守新繁  
縣知縣魏光祚性行恒怯才調迂疏旣承出納之司全無  
應變之略雄兵數萬自可恃以無恐而始終不敢入營餉  
米數千詎宜置之不問而稽查全然無法致關外多攬折  
之姦必斬之而後定且軍前有嘯呼之慮或令之而不從

責問之緘口無言語及之流涕被面廢縣事大段若斯誤  
軍興乃其著者此二臣者相應降調以警迂疏者也死事  
應卹官已故監軍四川布政司右參政張棟雄才八面生  
風勁節千尋貫日經營戎馬之始而謀潛於九地九天躬  
親矢石之衝而機決於百戰百勝無何大兵奏凱乃使壯  
士不還雖忠魂萬古如生而才美百人可贖除特疏上請  
卹典外陣亡天津都司王芬守備陳大綱天全招討楊愈  
舍目高金俸楊憲敘南衛百戶聶儒冠帶總旗劉海李肩  
芳把總包正龍劉啟明黃大督陣官陝西榆林衛右所試  
百戶郝大仁原任遊擊楊顯同伊男指揮楊應芝舍人楊

續之廣西守備白明達貴州守備阮士奇壩陽守備陳雲  
龍龍泉司土官安民志千戶訾嘉猷守東坡百戶劉經仁  
冠帶總旗張翔把總張一仕賈文中黃文煥楊玉王彥偉  
甘靖方朝宗許應元陳可行段承恩王道王景陳啟禮督  
陣官何天慶以上各員役勦賊奮不顧身相繼沒於王事  
內除王芬陳大綱楊愈等已蒙贈廕其餘俱應查例分別  
追卹者也保甯府同知張鼇衡州府通判楊大烈榮昌縣  
知縣閔宗聖俱以積勞成病同任身故湖廣布政司照磨  
張居仁調至標下聽用病故貴州指揮徐登階鍾英廣西  
總兵坐營官陳輿雲南把總張應元俱在營病故茂州衛

指揮田賦出營同途病故以上七員勤事忠肝可羨旅魂  
暴骨堪憐相應從厚追卹內張鼂先管合江路糧運河道  
初通中多灘險本官親自跋涉泥塗督夫催運得以不誤  
比事平臣以其任勞任怨特令經理播州時已積勞成病  
遂入播而沈出播而死臣憐之如悲親戚閔宗聖以押夫  
入山染病而出抵縣而死臣過榮昌通縣之人泣請祀於  
名宦此非獨勞臣亦循吏也張居仁素有才名臣調之標  
下資其謀議時與談論頗悉機宜乃以風土不習久之病  
死家在趙妻孥在楚身死於蜀亦足悲矣三臣者勞俱可  
錄死俱可憫卽不敢望監軍特典亦應贈以京職以勸死

事其楊大烈在事幾時死於何所應得卹典亦應俟查明  
並給者也供事吏役除湖貴二省聽各該撫臣徑敘外臣  
等門京撥書吏方一昇布政司送到寫本吏龐續元曾延  
春各經管兵糧章奏效勞日久合照東西二征事例方一  
昇係三考俟役滿赴部之日准免考試龐續元曾延春係  
見叅俟外歷滿日准免南京一考俱徑咨吏部照依本等  
資格附選以酬其勞其餘在事官役不能盡錄臣酌量徑  
行獎賞外伏乞敕下該部查將前項應陞應錄應賞應准  
贖應提問應免考各員役通行巡按御史查勘明實徑自  
具奉施行庶賞罰明而人心允服恩威著而地方有賴矣



再照連年東西用兵敘錄之數以今比之不無少溢緣今日之事原求拙速勢須用眾若事定而概削不錄恐人多觸望後難再使又三省相去寫遠不便往來咨議故止照冊敘之然議陞亦自不多餘不過紀錄賞賚不爲不儉矣其湖廣一省偏沅撫臣已離沅州而東相去更遠藁尙未至臣以平播已經半載難以更遲因照該省撫臣與監軍道所報文冊查其所稱應敘者敘之大概有事於國下者臣知其各在該省供事庶官勞逸勤惰未能盡知或偏沅撫臣疏內間有增減參差仍應以其所敘爲據緣該省方在用兵賞小爲明人始知勸亦鼓舞之一端也至如臣者

身膺疾病家遘閔凶偶以謫才肩茲巨任無能伐謀於先  
事卒至動眾而勞民焦頭爛額何功可稱老師費財卽得  
奚補且播州之役原以皇上明斷雅意中興故內而閣部  
科臣協衷以運籌外而撫鎮吏卒感激而用命臣不過一  
移檄一申令之力耳遂足功乎若旣因人而成事復貪天  
以自功卽死有餘愧矣伏乞敕下該部免敘庶臣分不踰  
臣心可安臣不勝大願緣係天威遠震逆寇蕩平遵旨核  
敘八路從征文武官員功罪以明賞罰以資安撫事理未  
敢擅便爲此具本專差舍人王國楨齎捧謹題請旨奉聖  
旨兵部知道欽此欽遵該兵部勘覆萬曆三十二年閏九

月二十八日奉聖諭傳與內閣說平播功大乃是平定一國開疆展土奇勲懋績如何題敘陞賞內無一當封侯伯世爵使朝廷威鎮華夷激勸大典不盡宣揚何以顯忠勞之臣血戰之將傳行天下後世彼時欲卽出恐奸佞之畜借言鼓簧之輩誣害良善故以遲緩耳先生每可體朕意詳擬改票來看欽此隨該內閣揭覆本年十月初七日奉聖旨朕賴將士之力討平播逆以申靈誅開疆展土奇勲懋績允宜敘賞李化龍陞兵部尙書加少保給與應得誥命廕一子錦衣衛指揮使世襲賞銀一百兩大紅蟒衣一襲郭子章陞右都御史兼兵部右侍郎照舊巡撫給與應

得誥命廕一子錦衣衛指揮僉事世襲賞銀八十兩大紅  
紵絲三表裏支可大准復原官遇缺起用廕一子入監讀  
書賞銀五十兩大紅紵絲二表裏江鐸贈兵部右侍郎給  
與祭葬仍廕一子錦衣衛指揮僉事世襲崔景榮宋興祖  
著吏部查照資俸優陞京堂仍給與本等誥命與王立賢  
趙標各賞銀二十兩王立賢趙標仍陞職一級劉綬陳璘  
俱陞左都督各廕一子本衛指揮使世襲仍與馬孔英各  
賞銀六十兩大紅紵絲二表裏馬孔英仍陞實授都督同知加  
陞實職二級世襲仍與劉綬遇缺推用吳廣李應祥伊男  
俱准世襲本衛正千戶李應祥仍贈左都督張棟楊寅秋

各贈太僕寺卿廕一子入監讀書謝詔等四員各陞二級  
仍各賞銀二十兩紅絲一表裏仍與沈季文易登瀛各候  
巡撫員缺推用張悌陞俸一級賞銀二十兩紅絲二表裏  
仍候閱視并敘張文耀等十三員各賞銀二十兩馬朝陽  
等二十四員徐成等四十二員各賞銀十五兩蔡宗憲等  
四員黃宇等十一員王應宣等五員各賞銀十二兩傅光  
宅等十五員周懋卿等三十九員張叔璽等十員徐堯莘  
等四十二員各賞銀十兩內張文耀等四員與傅良諫各  
陞一級王嘉謨與李廷謙等十員各陞俸一級史旌賢劉  
一相郭廷良梅國樓陳與相張文奇等六員與蔡宗憲史

朝貞馬性和各遇缺推用高折枝趙世德卽陞部屬用自  
杜熊兆以下共七百十二員各賞銀八兩陳良珙等張秉  
忠等各賞銀六兩安疆臣隴澄伊母鳳氏各賞銀三十兩  
紉絲二表裏鳳氏仍加賞銀十兩彭元錦等五員各賞銀  
十五兩吳一極等岑紹勳等張嵩等張世臣等各賞銀八  
兩彭養正等覃宗伊等各賞銀五兩安疆臣隴澄仍候地  
界勘定另加優異內紀錄陞級陞俸及襲陞酌處起用優  
恤獎賞開伍復職等項俱依擬此功固成於將士實賴在  
廷先今謀謨協忠駢誠處置中窾共舉長策遠計敘賞尤  
宜首及田樂擔當力任廕一子錦衣衛指揮僉事世襲賞

銀八十兩大紅紵絲蟒衣一襲候旨召用陳渠趙世卿理  
餉有方各賞銀四十兩大紅紵絲三表裏張養蒙協理匪  
懈賞銀三十兩紵絲二表裏王象乾綏輯新土賞銀五十  
兩大紅飛魚服一襲著上緊勘完地界同部管事蕭大亨  
攝樞久效改兵部尙書准復原廕仍加一級世襲賞銀八  
十兩大紅蟒衣一襲其先今前任司官及勘功御史各賞  
銀十五兩張主敬等開寫職名來看該司官申用懋同寺  
供職遇巡撫員缺推用賞銀十五兩餘各十兩欽此